

五代史記注

五代史記卷第十八

廬陵歐陽脩撰

徐無黨原注

南昌彭元瑞注

劉鳳誥排次

漢家人傳第六

高祖皇后李氏晉陽人也其父爲農高祖少爲軍卒牧

馬晉陽夜入其家劫取之高祖已貴封魏國夫人生隱

皇帝

五代會要漢高祖皇后李氏天福十二年四月八日冊爲皇后至乾祐三年七月冊爲皇太后周廣

順元年正月加上尊號曰昭聖皇太后

開運四年高祖起兵太原賞軍士

帑藏不足充欲斂於民后諫曰方今起事號爲義兵民未知惠而先奪其財殆非新天子所以救民之意也今

後宮所有請悉出之雖其不足士亦不以爲怨也高祖

爲改容謝之高祖卽位立爲皇后高祖崩隱帝冊尊爲

皇太后

五代史高祖皇后李氏晉陽人也高祖微時嘗牧馬于晉陽別墅因夜入其家劫而取之及高

祖領藩鎮累封魏國夫人高祖建義于太原欲行頒賚于軍士以公帑不足議率并邑助成其事

后聞而諫曰

自晉高祖建義及國家興運雖出于天意亦土地人民福力同致耳未能惠其衆而欲奪其財非新天子卹隱之理也今後宮所積宜悉以散之設使不厚人無怨言高祖改容曰敬聞命矣遂停斂貸之命后傾內府以助之中外聞者無不感悅天福十二年冊爲皇后隱帝卽位尊爲皇太后

帝年少數與小人

郭允明後贊李業等游戲宮中后數切責之帝曰國家

之事外有朝廷非太后所宜言也太常卿張昭聞之上

疏諫帝請親近師傅延問正人以開聰明帝益不省

冊府

元龜張昭乾祐中爲太常卿上言臣聞江海不讓于細流所以成其大山岳不讓其撮土所以成其高王者不倦昌言所以成其聖臣歷觀前代乃至近朝遍閱聖君無不好學故楚靈王軍中決勝不忘倚相之書漢高帝馬上爭衡猶聽陸生之說遂得宸謀益治宗社延長伏惟皇帝陛下繼禹丕圖受堯成法春秋鼎盛四聰不惑于咨詢廊廟謀深六藝何妨于講習古者或立儒官或開文館旁求巖穴之士延納草澤之才雖有前規伏恐未暇況國家設官分職選賢任能有輔弼講其國經有師傳啓其言路可以談天人之際可以陳理亂之由但能屬耳于典謨何必服膺于卷軸伏望陛下聽政之餘數召近臣討論經義所冀熟三綱五常之要窮九疇八政之源縱無取于儒冠猶冀賢于博奕時帝年十九猶有童心踈遠正人昵比羣小但與郭允明後贊等度詞醜語宮中手放紙鳶太后每提耳規之卽曰經國之謀閨閣無宜預也外間頗聞故有是奏以諷之蘇逢吉謂昭曰先帝在藩時今上已總卹命兄事逢吉令誨之以正道今雖君臣禮隔乘間猶獻忠言皆親狎不常吾友所陳深中其病中書欲商量有所發明但以疏內其後有輔弼講國之言難別敷奏田蘇之益深所愧懷其後

帝卒與允明等謀議遂至于亡初帝與允明等謀誅楊
邠史宏肇等議已定入白太后太后曰此大事也當與
宰相議之李業從旁對曰先皇帝平生言朝廷大事勿
問書生太后深以爲不可帝披衣而去曰何必謀于閨
門通鑑隱帝與李業等謀誅楊邠等議既定入白太后
太后曰茲事何可輕發更宜與宰相議之業時在旁
曰先帝嘗言朝廷大事不可謀及書生懦怯誤人太后
復以爲言帝忿曰國家之事非閨門所知拂衣而出
邠等死周高祖起兵嚮京師五代史纂誤今按周本紀
郭威廟號太祖今呼高祖
慕容彥超敗于劉子陟帝欲出自臨兵太后止之曰
郭威本吾家人非其危疑何肯至此今若按兵無動以
詔諭威威必有說則君臣之際庶幾尙全帝不從以出

遂及于難

通鑑南北通鑑南北通于劉子陂帝欲自出勞軍太后曰郭威吾家故舊非死亡切身何以至此但

按兵守城飛詔諭之觀其志趣必有辭理則君臣之禮尚全慎勿輕出帝不從清異錄漢隱帝之禍手中猶

持小摩尼數珠凡一百八枚蓋合浦珠也郭允明劫去

五代史纂誤今按漢隱帝紀乾祐三年十一月壬午

郭威犯封邶泰寧軍節度使慕容彥超軍于七里店癸

未勞軍于北郊甲申勞軍于劉子陂慕容彥超及郭威

戰敗績則是帝先出勞軍而後慕容彥超戰敗之次日

帝崩矣今此乃先云彥超敗于劉子陂而帝欲出自臨

兵失其序矣况李后所言皆未戰前之意也周太祖入京師舉事皆稱太后

誥已而議立湘陰公贊爲天子贊未至太祖乃請太后

臨朝已而太祖出征契丹軍士擁之以還太祖請事太

后爲母太后誥曰侍中功烈崇高德聲昭著翦除禍亂

安定邦家謳歌有歸歷數攸屬所以軍民推戴億兆同

安

歡老身未終殘年屬此多難惟以衰朽託于始終載省來賤如母見待感認深意涕泗橫流于是遷后于太平

宮上尊號曰昭聖皇太后顯德元年春崩

原注隱帝舊史實錄皆無

皇后帝立三年崩時年二十蓋未嘗立后也五代史周太祖入京凡軍國大事皆請后發教令以行之是歲議立徐州節度使贊為帝以迎奉未至周太祖乃率羣臣拜章請后權臨朝聽政后于是稱詒焉及周太祖為六軍推戴上章具述其事且言願事后為慈母后下詒答曰侍中功烈崇高德聲昭著翦除禍亂安定乾坤謳歌有歸歷數攸屬所以軍民推戴億兆同歡老身未終殘年屬茲多難惟以衰朽託于始終載省來賤如母見待感念深意涕泗橫流云仍出戎友玉帶以賜周太祖周太祖即位上尊號曰德聖皇太后居于太平宮周顯德元年春薨又張彥成潞州路城人也曾祖靜汾州刺史祖述澤州刺史父礪昭義行軍司馬彥成初為并門牙將天成中自秦州鹽鐵務官改鄆州都押牙漢祖鎮北門表為行軍司馬以隱帝娶其女特見親愛從平

汴洛累加特進檢校太尉同州節度使隱帝卽位就加
同平章事太祖之伐河中彥成有饋輓之勞河中所加
檢校太師乾祐三年冬移鎮相州廣順初就加兼侍中
尋移鎮南陽三年秋代歸授右金吾衛上將軍其年秋
以疾卒年六十贈侍中通鑑考異周太祖實錄作彥成
蓋避周祖諱薛史因之

高祖二弟三子弟曰崇曰信子曰承訓承祐承勲崇子
曰贊高祖愛之以爲己子乾祐元年拜贊徐州節度使

承訓早卒追封魏王承祐次立是謂隱帝承勲爲開封

尹五代會要漢高祖長子承訓魏王天福十二年二月
追封第三子承勲唐王周廣順元年三月追封又漢

高祖長女永寧公主降宋延渥天福十二年四月封至
乾祐二年十二月追封秦國長公主五代史魏王承

訓字德輝高祖之長子也少溫厚美姿儀高祖尤鍾愛
在晉累官至檢校司空國初授左衛上將軍高祖將赴

洛命承訓北京大內巡檢未幾詔赴闕授開封尹檢校
太尉同平章事以天福十二年十二月十一日薨于府

署年二十六高祖發哀于太平宮哭之大慟以至于不
豫是月追封魏王歸葬于太原又陳王承勳高祖之
幼子也國初授右衛大將軍隱帝嗣位加檢校太尉同
平章事遙領興元尹俄代侯益爲開封尹進位檢校太
師兼侍中乾祐三年冬十一月蕭牆之亂隱帝崩軍情
欲立勳爲嗣時勳已病大臣及諸將請候勳起居太后
令左右以卧榻昇之以見諸將就視知勳之不能興周
故議立劉贊周廣順元年春卒周太祖下詔封陳王周
太祖已敗漢兵于北郊隱帝遇弑太祖入京師以謂漢
大臣必相推戴及見宰相馮道等道殊無意太祖不得
已見道猶下拜道受太祖拜如平時徐勞之曰公行良
苦太祖意色皆沮五代史闕文周祖自鄴起兵赴闕漢
隱帝兵敗遇害于劉子陂周祖入京
師百官謁周祖見道猶設拜意道便行推戴道受拜如
平時徐曰侍中此行不易周祖氣沮故禪代之謀稍緩
及請道詣徐州册湘陰公爲嗣道曰侍中由衷乎周祖
設誓道曰莫教老夫爲謬語今爲謬語人臣謹按周世

宗朝詔史臣脩周祖實錄故道之事所宜諱矣通鑑
考異按周祖舉兵既克京城所以不卽爲帝者蓋以漢
之宗室崇在河東信在許州贊在徐州若遽代漢慮三
鎮舉兵以興復爲辭則中外必有響應者故陽稱輔立
宗子信素庸愚不足畏贊乃崇子故迎贊而立之使兩
鎮息謀俟其離徐已遠去京稍近然後併信除之則三
鎮去其二矣然後自立則所與爲敵者惟崇而已此其
謀也豈馮道受拜之所能沮乎道之所以受拜如平時
者正欲示器宇凝重耳道廉智自將陽愚遠禍以謂漢
恐不肯觸周祖未發之機其徒欲歸美而云耳以謂漢
大臣未有推立已意又難于自立因白漢太后擇立漢
嗣而宗室河東節度使崇等在者四人乃爲太后誥曰
河東節度使崇許州節度使信皆高祖之弟徐州節度
使贊開封尹承勲皆高祖之子文武百辟其擇嗣君以
承天統於是周太祖與王峻入見太后言開封尹承勲

高祖皇帝之子宜立太后以承勲久病不任爲嗣太祖
與羣臣請見承勲視起居太后命以卧榻昇承勲出見
羣臣羣臣視之信然乃其奏曰徐州節度使贊高祖愛
之以爲子宜立爲嗣乃遣太師馮道率羣臣迎贊道揣
周太祖意不在贊謂太祖曰公此舉由衷乎太祖指天
爲誓道旣行謂人曰吾平生不爲繆語人今繆語矣道
見贊傳太后意召之

通鑑考異周太祖實錄太祖奏遣
前太師馮道往彼諭旨太祖將奉

表于徐州未知所遣樞密直學士王度請行許之宰臣
百寮表秘書監趙上交齋詔同口首塗又隱帝實錄初
議立徐帥太后遣中使馳諭劉崇請崇入贊行至宋州
繼大位崇知立其子上章謙遜恐無此事

太祖自澶州爲兵士擁還京師王峻慮贊左右生變遣

侍衛馬軍指揮使郭崇以兵七百騎衛贊崇至宋州贊
登樓問崇所以來之意崇曰澶州軍變懼未察之遣崇
護衛非惡意也贊召崇崇不敢進馮道出與崇語崇乃
登樓見贊已而奪部下兵太祖以書召道先歸留其副
趙上交王度奉贊入朝太后道乃先還贊謂道曰寡人
此來所恃者以公三十年舊相是以不疑道默然贊客
將賈正等數目道欲圖之贊曰勿草草事豈出于公邪
道已去郭崇幽贊于外館殺賈正及判官董裔牙內都
虞候劉福孔目官夏昭度等太祖已監國太后乃下詔
曰比者樞密使郭威志安宗社議定長君以徐州節度

使贊高祖近親立爲漢嗣乃自藩鎮召赴京師雖誥命已行而軍情不附天道在北人心靡東適當改卜之初俾膺分土之命贊可降授開府儀同三司檢校太師上柱國封湘陰公贊以幽死五代史湘陰公贊爲徐州節度使乾祐元年八月中有雲見五色明年冬杪有鳥翔集于鮮碧堂庭樹黃質朱喙金目青翼紺趾元尾有類于鳳有賓佐嘆曰野鳥入室主人將去旬浹而不知所之乾祐三年冬十一月周太祖駐軍于京師議立嗣君奉太后誥立贊爲嗣傳誥之際馮道笏墜于地左右惡之馮道至贊出郊迎常所乘馬比甚馴服至是馬蹄齧奔逸人不可制乃以他馬代之時以爲不祥將離彭城嘗一日天有白光一道自西來照城中如晝有聲如雷時人謂之天裂又有巨星墜于徐野殷然有聲或謂初贊自徐州入也以都押衙鞏之天狗後贊果廢死

庭美教練使楊溫守徐州庭美等聞贊不得立乃閉城

拒命太祖拜王彥超徐州節度使下詔諭庭美等許以

刺史并詔贊赦庭美等廣順元年三月彥超克徐州庭

美等皆見殺

通鑑鞏庭美楊溫聞湘陰公失位奉贊妃董氏據徐州拒守以俟河東援兵帝使贊

以書諭之庭美溫欲降而懼死帝復遣贊書曰爰念斯人盡心於主足以賞其忠義何由責以悔尤俟新節度入城當各除刺史公可更以委曲示之王彥超奏遣使齎勅詣徐州鞏庭美等猶豫不肯啓關詔進兵攻之三月王彥超奏克徐州殺鞏庭美等

承勲廣順元年以疾卒追封陳王

嗚呼予旣悲湘陰公贊之事又嘉鞏庭美楊溫之所爲

贊於漢非嫡長特以周氏移國畏天下而難之故假贊

以伺間爾當是之時天下皆知贊之必不立也然庭美

溫區區爲贊守孤城以死其始終之迹何媿於死節之

三才圖會卷二ノ
士哉然予考于實錄二人之死狀不明夫二人之事固
知其無所成其所重者死爾然史氏不著不知其何以
死也當王彥超之攻徐州也周嘗遣人招庭美等予得
其詔書四皆言庭美等嘗已送款于周後懼罪而復叛
然庭美等款狀亦不見是皆不可知也夫史之闕文可
不慎哉其疑以傳疑則信者信矣予固嘉二人之忠而
悲其志然不得列于死節之士者惜哉

蔡王信高祖之從弟也高祖鎮太原以信爲興捷軍都
指揮使領義成軍節度使徙領許州高祖寢疾隱帝當
立爲嗣楊邠等受顧命不欲信在京師乃遣信就鎮信

涕泣而去信所至黷貨好行殺戮軍士有犯法者信召其妻子對之剗剔支解使自食其肉血流盈前信命樂飲酒自如也楊邠等死信大喜謂其僚佐曰吾嘗謂天无眼而使我鬱鬱於此者三年矣主上孤立幾落賊手諸公可以勸我一杯矣已而聞難作信憂不能食周太祖軍變于澶州王峻遣前申州刺史馬鐸以兵巡檢許州信乃自殺周太祖卽位追封蔡王

原注傳先贊而後信亦便於述事爾

五代史蔡王信高祖之從弟也少從軍漸至龍武小校高祖鎮并州爲興捷軍都將領龔州刺史檢校太保國初爲侍衛馬軍都指揮使檢校太傅兼義成軍節度使尋移鎮許州加太尉同平章事高祖寢疾大漸楊邠受密旨遣信赴鎮信卽時戒路不得奉辭雨泣而去隱帝卽位加檢校太師關輔賊平就加侍中信性昏懦驕

貨無厭喜行酷法掌禁軍時左右有犯罪者召其妻子
對之鬻割令自食其肉或從足支解至首血流盈前而
命樂對酒無仁愍之色未嘗接延賓客在鎮日聚斂無
度會高祖山陵梓宮經由境上信率掠吏民以備迎奉
百姓苦之初聞殺楊邠史宏肇遽啓晏席集參佐賓幕
令相致賀曰我謂天無眼令我三年不能適意主上孤
立幾落賊手諸公勸我一杯可也俄聞蕭牆之變憂不
能食尋有太后令言立湘陰公卽令其子往徐州奉迎
數日陳思讓率馬軍經過城西但令供頓不敢出城未
幾澶州軍變王峻遣前申州刺史馬鐸領軍赴州巡檢
鐸引軍入城信惶惑自殺廣順初追封蔡王

五代史記卷第十八

五代史記卷第十九

廬陵歐陽脩撰

徐無黨原注

南昌彭元瑞注

劉鳳誥排次

周太祖家人傳第七

太祖一后三妃聖穆皇后柴氏邢州堯山人也與太祖

同里遂以歸焉

五代會要周太祖皇后柴氏邢州龍岡人世家太祖聖穆皇后柴氏邢州龍岡人世家

豪右太祖微時在洛陽聞后賢淑遂聘之龍川別志

周高祖柴后魏成安人父曰柴三禮本後唐莊宗之嬪

御也莊宗沒明宗遣歸其家行至河上父母逐之會大

風雨止於逆旅數日有一丈夫冒雨走過其門衣弊破

裂不能自庇后見之驚曰此何人耶逆旅主人曰此馬

鋪卒吏郭雀兒者也后召與語異之謂父母曰此貴人

我當嫁之父母恚曰汝帝左右人歸當嫁節度使奈何

嫁此乞人后曰我久在宮中頗識貴人此人貴不可言

不可失也橐中裝分半與父母我取其半父母知不可奪遂成婚於逆旅中所謂郭雀兒則周祖也后每資以金帛使事漢祖卒為漢佐命后父柴三禮既老夜寐輒不覺晝起常寡言笑其家問之不答其妻醉之以酒乃曰昨見郭雀兒已作天子東都事畧周太祖柴后本唐莊宗之嬪御也莊宗沒明宗遣歸其家行至河上父母迂之會大風雨止于逆旅數日有丈夫走過其門衣弊不能自庇后見之驚曰此何人耶逆旅主人曰此馬步軍吏郭雀兒者也后異其人欲嫁之請于父母父母恚曰汝帝左右人歸當嫁節度使奈何欲嫁此人后曰此貴人不可失也橐中裝分半與父母我取其半父母知不可奪遂成婚于逆旅中所謂郭雀兒即周太祖也后每資以金帛使事漢高祖卒為高祖佐命后父柴翁既老每夜寐及晝起常寡言笑其家問之不答其妻醉之以酒乃曰昨見郭雀兒已作天子王壺清話魏人柴公以經義教授里中有女子備後唐莊宗掖庭明宗入洛遣出宮父母往迎之至洛遇雨踰旬不能進其女悉以奩具計直十萬分其半與父母令歸大名曰兒見溝旁郵舍隊長黝色花項為雀形者極貴人也願事之父母大愧之知不可奪問之即郭某乃周祖也因事之

執箕帚之禮一日謂其夫曰君一極貴不可言然時不可失妾有五萬願奉君以發其身同祖因其貲得爲軍司其父柴公平生爲獨寢之人傳司冥間事一日辰起忽大笑妻問之不對但笑不已公惟喜飲妻逼極醉因漏泄其事曰花項漢將爲天子後果然畫墁錄郭祖微時與馮暉同里閉相善也推埋無賴靡所不至旣而各竄赤籍一日有道士見之問其能曰吾業彫刺二人因令刺之郭於項右作雀左作穀粟馮以臍作甕中作雁數隻戒曰爾曹各於項臍自愛爾之雀銜穀爾之雁出窠乃亨顯之時也寒食馮之婦得麻鞋數雙密藏之將以作節馮收得之蒲博醉歸卧門外其婦勃然曰節到也如何辦得馮徐捫腹曰休說辦不辦且看窠中飛出鴈郭祖秉旄之後雀穀稍近登位之後雀遂銜穀太祖馮秉旄鴈自窠中累累而出世號郭威爲郭雀兒太祖微時喜飲博任俠不拘細行后常諫止之太祖狀貌奇偉后心知其貴人也事之甚謹五代史太祖壯年喜飲博好任俠不拘細行后規其太過每有內助之力焉世宗皇帝卽后之姪也幼而謹愿后甚憐之故太祖養之爲己子太祖嘗寢后見

五色小蛇入顴鼻間心異之知其及太祖卽位后已先必貴敬奉愈厚未及貴而厭代

卒乃下詔故夫人柴氏追冊爲皇后諡曰聖穆

五代史太祖卽

位乃下制曰義之深無先於作配禮之重莫大於追崇朕當宁載思撫存懷舊河洲令德猶傳苻菜之詩嬌泖大名不及珩璫之貴俾盛副笄之禮以伸求劍之情故夫人柴氏代籍貽芳湘靈集慶體柔儀而陳闕翟芬若椒蘭持貞操以選中璫譽光圖史懿範尙留於閨闔昌言有助於箴規深唯望氣之艱彌歎藏舟之速將開寶祚俄謝璧台宜正號於軒宮俾潛耀於坤象可追命爲皇后仍令所司定謚備禮冊命旣而有司上謚曰聖穆顯德初太祖神主入廟以后祔于其室

淑妃楊氏鎮州真定人也父宏裕真定少尹妃幼以色選入趙王宮事王鎔鎔爲張文禮所殺鎮州亂妃亦流寓民間後嫁里人石光輔居數年光輔死太祖柴夫人

卒聞妃有色而賢遂娶之爲繼室太祖方事漢高祖于
太原天福中妃卒遂葬太原之近郊太祖卽位廣順元
年九月追冊爲淑妃拜妃弟廷璋爲右飛龍使廷璋辭
曰臣父老矣願以授之太祖曰吾方思之豈忘爾父邪
卽召宏裕宏裕老不能行乃就其家拜金紫光祿大夫
真定少尹太祖崩葬嵩陵一后三妃皆當陪葬而太原
未克世宗詔有司營嵩陵之側爲虛墓以俟顯德元年
世宗已敗劉旻于高平遂攻太原太原閉壁被圍乃遷
妃喪而葬之

五代史淑妃楊氏鎮州真定人父宏裕真定少尹當河朔全盛之時所屬封疆制之

于守帥故韶顏美媛皆被選于王宮妃幼以良家子中選事趙王王鎔張文禮之亂妃流離于外唐明宗在藩

錄其遺逸安重誨保庇妃家致其仕進父母卽以妃嫁于鄉人石光輔不數年娶居太祖佐漢之初屬聖穆皇后棄世間妃之賢遂以禮聘之妃睦族撫孤宜家內助甚有力焉晉天福末卒于太原因留葬于晉郊廣順元年九月追冊爲淑妃太祖凡一后三妃及嵩陵就掩皆議陪附時以妃喪在賊境未及遷定世宗乃詔有司于嵩陵之側預營一冢以虛之俟賊平卽議襄事顯德元年夏世宗征河東果成素志焉妃兄廷璋早事太祖卽位累厯內職出爲晉州節度使皇朝撫運移鎮邢州又改鄴州受代歸闕卒于私第東都事畧楊廷璋父宏裕少漁貂裘陂有以二石雁授之者其翼一掩左一掩右曰吾北嶽使也言訖不知所之是歲生女爲周太祖淑妃明年而廷璋生廷璋以淑妃故得賜官初爲右飛龍使稍遷皇城使世宗卽位拜左驍衛大將軍宣徽北院使除建雄軍節度使隰州闕守乃請監軍李謙溥攝州事謙溥至隰并人來圍其城或請速救廷璋曰賊遽至必未攻城乃募死士百餘人潛諭謀溥相應夜銜枚擊之并人大潰逐北數十里寓簡周世宗嘗疑涇帥史懿欲叛密詔晉州節度使楊廷璋使陰圖之廷璋明其無它懷詔書見之懿曰死不敢辭乞免妻子廷璋屏

左右語之曰吾以百口保君君單騎入朝可也懿從之遂得免禍及宋有天下廷璋猶在晉監軍荆罕儒者疑廷璋周之戚里近親也欲殺之以爲己功每見必衷甲懷刃廷璋知之待以誠心畧無疑畏會春當宴罕儒夙興尙早徘徊獨語曰事久變生今日不可失也因假寐恍忽如夢有神人謂曰廷璋忠實無異志不可妄殺驚覺汗下悔泣擲刀於地徑造廷璋再拜謝過具言所夢廷璋愕然曰有是哉吾昔者亦夢神人來告曰汝有德天固報汝吾爲汝解監軍之禍可保無虞也吾夜半起坐命門客書幅紙記之方欲與君語而未敢也因探諸懷以示罕儒其所言神人容貌衣冠劍履無差焉二人相持而泣結交終身

貴妃張氏鎮州真定人也祖記成德軍節度判官檢校兵部尙書父同芝事趙王王鎔爲諮呈官官至檢校工部尙書鎔死鎮州亂莊宗遣幽州苻存審以兵討張文禮裨將武從諫館于妃家見妃尙幼憐之而從諫家在

太原遂以妃歸爲其子婦久之太祖事漢高祖于太原
楊夫人卒而武氏子亦卒乃納妃爲繼室太祖貴累封
吳國夫人太祖以兵入京師漢遣劉銖戮其家妃與諸
子皆死太祖卽位追冊爲貴妃五代史貴妃張氏恒州
眞定人也祖記成德軍
節度判官檢校兵部尚書父同芝本州諮呈官檢校工
部尚書事趙王王鎔歷職中要天祐末趙將張文禮殺
王鎔以鎮州歸梁莊宗命將符存審討平之時妃年尙
幼有幽州偏將武從諫者駐旆于家見妃韶令乃爲其
子聘之武氏家在太原太祖從漢祖鎮并門屬楊夫人
以疾終無何武氏子卒太祖素聞妃之賢遂納爲繼室
太祖貴累封至吳國夫人漢隱帝末蕭牆變起屠害大
臣太祖在鄴都被讒妃與諸皇屬同日遇害于東京舊
第太祖踐祚追冊爲貴妃發哀故世宗有起復之命世
宗嗣位以太祖舊宅卽妃遇禍之地因施爲僧院以皇
建爲名焉

德妃董氏鎮州靈壽人也祖文廣唐深州錄事參軍父
光嗣趙州昭慶尉妃幼穎悟始能言聞樂聲知其律呂
年七歲鎮州亂其家失之爲潞州牙將所得寘諸褚中
以歸潞將妻嘗生女輒不育得妃憐之養以爲子過于
所生居五六年妃家悲思其兄瑀求之人間莫知所在
潞將仕于京師遇瑀欣然歸之時年十二瑀以嫁里人
劉進超進超亦仕晉爲內職契丹犯闕進超歿于虜中
妃發居洛陽漢高祖自太原入京師太祖從過洛陽聞
妃有賢行聘之太祖建國中宮虛位遂冊爲德妃廣順
三年卒年三十九妃兄三人瑀官至太子左贊善大夫

元之自明皆至刺史

五代史德妃董氏常山靈壽人也祖文廣唐深州錄事參軍父光嗣

趙州昭慶尉妃孩提穎悟始能言聽按絲管而能辨其聲年七歲遇鎮州之亂親黨羈離與妃相失潞州牙將得之匿于褚中其妻以息女不育得妃憐之過于所生母教師箴功容克備妃家悲念其兄瑀諸處求訪垂六七年後潞將入官于朝妃之鄉親頗有知者瑀見潞將欣然歸之時年十三妃歸踰年嫁爲里人劉進超之妻進超爲內職及契丹破晉之歲陷蕃歿焉妃嫠居洛陽太祖楊淑妃與妃鄉親平居恒言妃賢德太祖從漢祖幸洛因憶淑妃之言尋以禮納之鼎命初建張貴妃遇禍中宮虛位乃冊爲德妃太祖自聖穆皇后早世以來屢失邦媛中幃內助唯妃存焉加以結珮脫簪率由令範廣順三年夏遇疾醫藥之際屬太祖寃海之征車駕將行妃奏曰正當暑毒勞陛下巡省明發宵征須人供侍司簿已下典事者各已處分從行太祖曰妃疾未平數令診視此行在近無煩內人及太祖駐蹕魯中妃志欲令內人進發中使往來言之太祖手勅鄭仁誨曰切慮德妃以朕至兗州行營津置內人承侍緣諸軍在野不可自安令鄭仁誨專心體候如德妃津置內人東來

便須上聞約住或取索鞍馬不得供應如意堅確卽以
手勅示之旣而平定充州車駕還京妃疾無減俄卒于
大內時年三十九載朝三日妃長兄瑀以左贊善大夫
致仕仲兄元之季兄自明皆累厯郡守五代會要周
太祖貴妃張氏廣順元年追冊淑妃楊氏廣順元年九
月追冊德妃董氏廣順元年四月追冊尙儀趙氏封汧
國夫人尙服蘇氏封岐國夫人尙宮甫氏封汾國夫人
司賓高氏封潁川郡夫人司記丁氏封隴西郡夫人司
賓茹氏封潁川郡夫人典寶李氏封隴西縣君司寶王氏
劉氏封彭城郡夫人典寶李氏封隴西縣君司正王氏封瑯
封瑯琊縣君司正李氏封隴西縣君司正王氏封瑯琊
縣君尙食李氏封隴西縣君尙功曹氏封鉅鹿縣君司
衣李氏封隴西縣君司藥林氏封會稽縣君司
藥翟氏特封潯陽縣君並廣順元年八月勅初帝舉
兵于魏漢以兵圍帝第時張貴妃與諸子青哥意哥姪
守筠奉超定哥皆被誅青哥意哥不知其母誰氏太祖
卽位詔故第二子青哥贈太尉賜名侗

五代史纂誤今按其後顯德四

年四月詔故皇弟贈太保第三子意哥贈司空賜名信
侗贈太傅則此處似誤矣

皇姪守筠贈左領軍衛將軍以筠聲近榮爲世宗避更
名守愿奉超贈左監門衛將軍定哥贈左千牛衛將軍
賜名遜世宗顯德四年夏四月癸未詔曰禮以緣情恩
以悼往矧在友于之列尤鍾惻愴之情故皇弟贈太尉
侗贈司空信景運初啓天年不登俾予終鮮實動予懷
侗可贈太傅追封郟王信司徒杞王又詔曰故皇從弟
贈左領軍衛將軍守愿贈左監門衛將軍奉超贈左千
牛衛將軍遜等頃因季世不享遐齡每念非辜難忘有
慟守愿可贈左衛大將軍奉超右衛大將軍遜右武衛

大將軍

五代會要周太祖第二子侗鄭王第三子信杞

邠王侗太祖子初名青哥漢末遇害太祖即位詔贈太

尉賜名侗顯德四年追封杞王信太祖子初名意哥漢

末遇害太祖即位詔贈司空賜名信顯德四年追封

五代會要周太祖第三女樂安公主為漢室所害廣順

元年二月追封至顯德四年四月又追封莒國長公主

第四女壽安公主降張永德廣順元年四月封至顯德

元年四月封晉國長公主第五女永寧公主廣順元年

九月追封至顯德四年四月又追封梁國長公主東

都事畧張永德字抱一并州曲陽人也初周太祖將兵

征淮南過宋州宋州使人勞之于葛驛葛驛先有一男

子一女子不知其所從來轉客於市傭力以食父老憐

之釀酒肉衣服相配為夫婦及太祖至市人聚觀女子

於衆中呼曰此吾父也市人驅之去太祖聞之使前問

之信其女也相持而泣將携之以行女曰我已嫁人矣

復呼其夫視之曰此亦貴人也乃俱挈之軍中奏補供

奉官即永德也漢命永德押賜招義節度使常遇生辰

禮物遇太祖之外兄弟也太祖時鎮鄴有密詔付遇永

德在潞州聞之因謂遇曰郭公被讒今日之詔得非蒞

殺永德耶永德卽死切恐累公爾遇驚曰何謂也永德曰姦邪蠹政郭公誓清君側願且以永德屬吏事成足以爲德不成死未晚遇以爲然止令壯士嚴衛然所以餽之甚厚親問之曰君視丈人事得成否永德曰殆必成以柴翁夢所見爲驗未幾太祖使至遇賀且謝曰老夫幾誤大事周氏親戚盡誅唯永德夫婦在周太祖卽位除永德左衛將軍駙馬都尉妻爲晉國公主遷泗州防禦使從世宗征劉崇高平之戰何徽樊愛能退勦時我太祖及永德牙兵各二千人而已太祖曰賊氣方驕公麾下頗能射可西出陟高而上吾張左掖以應之其勝可必永德以爲然遂大捷劉崇單騎而遁世宗謂永德曰樊愛能何徽及偏裨七十餘人吾欲盡按軍法何如對曰必欲開拓疆宇威加四海安可已也因盛稱太祖智勇世宗善其言悉誅愛能輩以徇軍聲始振從世宗征淮南破紫金山十八砦吳人樓船蔽川永德擇習水者潛鑽其船引兵擊之多溺死又以兵絕濠州餉道世宗褒之擢爲殿前都點檢從克壽州領鎮寧軍節度使同平章事恭帝嗣位移鎮忠武龍川別志初周祖兵征淮南過宋州宋州使人勞之於葛驛先有一男子一女子不知所從來轉客於市傭力以食父老憐其

愿也醢酒食衣服使相配爲夫婦及周祖至市人聚觀
女子於衆中呼曰此吾父也市人驅之以去周祖聞之使
人問之信其女也相持而泣將攜之以行女曰我已嫁
人矣復呼其夫視之曰此亦貴人也乃俱挈之軍中奏
補供奉官卽張永德也及周祖入汴漢末帝以兵圍其
第今皇建院是也盡誅其家惟永德與其妻在河陽爲
監押末帝亦命河陽誅之何陽守永德以勅視之永
德曰大人爲德不成死未晚也何陽守以爲然雖執之
於獄所以餽之甚厚親問之曰君視大人事得成否永
德曰殆必然以柴三禮夢所見爲驗未幾而捷報至周
祖親戚盡誅惟永德夫婦遂極富貴五代史張頴太
原人駙馬都尉永德之父也累爲藩郡列校山內職歷
諸衛將軍國初以戚里之故自華州行軍司馬歷郢懷
二州刺史遷安州防禦使頴性卞急峻刻不容人之小
過雖左右親信亦皆怨之部曲曹澄有處女頴逼而娶
之澄遂與不逞之徒數人同謀害頴中夜挾刃入於寢
門執頴而殺之遂奔於金陵世宗征淮南以永德之故
命江南李景令執澄等送行在及至世宗以澄等賜永
德俾甘心而戮之龍川別志張永德事周世宗爲殿
前指揮使性好道道士多客其家嘗有一舉子見之卽

病幾年乃愈永德所以待之甚厚客欲辭去永德曰吾待子不薄何去之遠也曰吾有小術當一試之而去試之其藥能乾水銀爲黃金永德大驚欲學之客曰君自見吾於淮上及周世宗用兵壽春永德從之素善射間出射於野觀者如堵見一僧則昔之舉子也與之歸宿帳中夜半屏人問所以保三十年富貴者曰若見二屬猪人善事之則富貴可保也旦辭去藝祖方以力戰有功雖功名日盛而出於側微鞍馬服用未有以自給永德稍以家資奉之藝祖既天資英特問其年復亥生也永德大喜傾身事之凡用物皆有副須輒以獻藝祖曰張太尉與吾善弟往以情告之太宗持書往永德延之卧內太宗姿表尤異問其年亦亥生也永德驚喜傾家助之太祖既登極以鄧州節鉞授永德許之終身常有人告永德謀反藝祖曰張道人非反者卽械而送之永德曰爾敢告吾反膽甚大破械杖而遣之藝祖問之喜及太宗嗣位寵之不替遂終於鄧筆錄周朝駙馬都尉張永德輕財好施喜延接方士嘗遇一異人言及時事且曰天下將太平真主已出永德曰其誰乎答曰天意所造安能識諸然而有一事庶幾可驗公或覩紫黑

色屬猪人善戰果於殺伐者善待之永德嘗陰自求訪
及太祖皇帝勲位漸隆永德因漸識帝之英表問其歲
在亥永德歎駭其事傾身親附相得甚懽凡已之所玩
好資用子女玉帛必先恣帝擇取有餘乃以自奉至國
初以舊恩體貌富貴與佐命勲
戚同等終太祖世莫能替焉

五代史記卷第十九

五代史記卷第二十

廬陵歐陽脩撰

徐無黨原注

南昌彭元瑞注

劉鳳誥排次

周世宗家人傳第八

周太祖聖穆皇后柴氏無子養后兄守禮之子以爲子是爲世宗守禮字克讓以后族拜銀青光祿大夫檢校吏部尙書兼御史大夫世宗卽位加金紫光祿大夫檢校司空光祿卿致仕居于洛陽終世宗之世未嘗至京師而左右亦莫敢言第以元舅禮之而守禮亦頗恣橫嘗殺人于市有司以聞世宗不問是時王溥王晏王彥

超韓令坤等同時將相皆有父在洛陽與守禮朝夕往來惟意所爲洛陽人多畏避之號十阿父守禮卒年七十一官至太傅渾水燕談錄宰相王溥父祚少爲太原陽居常怏怏及溥爲相客或候祚溥常朝服侍立客不安席求去祚曰學士勞賢者起避耶拊掌錄王溥五代狀元相周高祖世宗至宋以宮師罷相其父祚爲周觀察使致仕祚居富貴久奉養奢侈所不足者未知年壽耳一日居洛陽里第聞有卜者令人呼之乃瞽者也密問老兵云何人呼我答曰王相公父也貴極富溢所不知者壽也今以告汝俟出當厚以卦錢相酬也旣見祚令布卦成文推命大驚曰此命惟有壽也祚喜問曰能至七十否瞽者笑曰更向上答以至八九十否又大笑曰更向上答曰能至百歲乎又嘆息曰此命至少亦須一百三四十歲也祚大喜曰其間莫有疾病否曰並無之其人又細數之曰俱無祇是近一百二十歲之年春夏間微苦臍胸尋便安愈矣祚大喜囑顧子孫在後侍立者曰孩兒輩切記之是年莫教我吃冷湯水

嗚呼父子之恩至矣孟子言舜爲天子而瞽叟殺人則棄天下竊負之而逃以謂天下可無舜不可無至公舜可棄天下不可刑其父此爲世立言之說也然事固有不得如其意者多矣蓋天子有宗廟社稷之重百官之衛朝廷之嚴其不幸有不得竊而逃則如之何而可子讀周史見守禮殺人世宗寢而不問蓋進任天下重矣而子於其父亦至矣故寧受屈法之過以申父子之道其所以合於義者蓋知權也君子之於事擇其輕重而處之耳失刑輕不孝重也刑者所以禁人爲非孝者所以教人爲善其義一也孰爲重刑一人未必能使天下

無殺人而殺其父滅天性而絕人道孰爲重權其所謂輕重者則天下雖不能棄而父亦不可刑也然則爲舜與世宗者宜如何無使瞽叟守禮至於殺人則可謂孝矣然而有不得如其意則擇其輕重而處之焉世宗之知權明矣夫

世宗三皇后貞惠皇后劉氏不知其世家蓋徵時所娶也世宗爲左監門衛將軍得封彭城縣君世宗從太祖于魏后留京師太祖舉兵漢誅太祖家屬后見殺太祖卽位追封彭城郡夫人世宗顯德四年夏四月始詔彭城郡夫人劉氏追冊爲皇后有司謚曰貞惠陵曰惠陵

五代會要世宗皇后劉氏漢末遇害顯德四年四月追冊曰貞惠皇后五代史世宗貞惠皇后劉氏將家女也幼歸于世宗漢乾祐中世宗在西班牙后始封彭城縣君世宗隨太祖在鄴后留居邸第漢末李業等作亂后與貴妃張氏及諸皇族同日遇禍國初追封彭城郡夫人顯德四年夏四月追冊爲皇后諡曰貞惠陵曰惠陵宣懿皇后符氏其祖秦王存審父魏王彥卿后世王家出於將相之貴爲人明果有大志初適李守貞子崇訓守貞事漢爲河中節度使已挾異志有術者善聽人聲以知吉凶守貞出其家人使聽之術者聞后聲驚曰此天下之母也守貞益自負曰吾婦猶爲天下母吾取天下復何疑哉于是決反畫墁錄郭祖受命討守貞駐師河中城下逾年望氣者言守貞必破城下有三天子氣謂郭祖柴世宗太祖也守貞猶豫不決使術者視家人至子婦符氏術者大咤曰母后

相也守貞曰吾婦乃爾吾可知矣遂決既嬰城無礮材
頗患之居一日河水自上浮木千百皆礮材也守貞大
喜以爲受命之符其後既破郭而漢遣周太祖討之逾
祖以符氏納世宗是爲符后

年攻破其城崇訓知不免手自殺其家人次以及后后
走匿以帷幔自蔽崇訓惶遽求后不得遂自殺漢兵入
其家后儼然坐堂上顧軍士曰郭公與吾王父有舊汝
輩無犯我軍士見之不敢迫太祖聞之以謂一女子能
使亂兵不敢犯奇之爲加慰勉以歸彥卿后感太祖不
殺拜太祖爲父其母以后夫家滅亡而獨脫死兵刃之
間以爲天幸欲使削髮爲尼后不肯曰死生有命天也
何必妄毀形髮爲太祖於后有恩而世宗性特英銳聞

后如此益奇之及劉夫人卒遂納以爲繼室世宗卽位
冊爲皇后世宗辨急多暴怒而後常追悔每怒左右后
必從容伺顏色漸爲解說世宗意亦隨解由是益重之
世宗征淮后以帝不宜親行切諫止之世宗不聽師久
無功遭大暑雨后以憂成疾而崩議者以方用兵請殺
喪禮于是百官朝臨于西官三日而釋服帝亦七日而
釋葬于新鄭陵曰懿陵五代史宣懿皇后符氏祖存審
事後唐武皇莊宗位極將相追
封秦王父彥卿天雄軍節度使封魏王后初適李守貞
之子崇訓漢乾祐中守貞叛于河中太祖以兵攻之及
城陷崇訓自刃其弟妹次將及后后時匿于屏處以帷
箔自蔽崇訓倉皇求后不及遂自刎后因獲免太祖入
河中令人訪而得之卽遣女使送于其父自是后常感
太祖大惠拜太祖爲養父世宗鎮澶淵日太祖爲世宗

聘之后性和惠善侯世宗之旨世宗或暴怒于下后必從容教解世宗甚重之及卽位册爲皇后世宗將南征后常諫止之言甚切直世宗亦爲之動容泊車駕駐于淮甸久冒炎暑后因憂恙成疾顯德二年七月二十一日崩于滋德殿時年二十有六世宗甚悼之旣而有司上謚曰宣懿葬于新鄭陵曰懿陵五代會要皇后符氏顯德元年三月册爲皇后至三年七月崩追册曰宣懿皇后五代史闕文符后先適河中節度使李守貞之子崇訓守貞嘗得術士善聽聲知人貴賤守貞舉族悉令術士聽之獨言后大貴當母儀天下守貞信之因曰吾婦尙爲皇后吾可知也遂謀叛及城陷后獨免周祖爲世宗娶之顯德册爲后臣以謂術士意蓋亦有時而中人君之位安可望而求公侯其誠之五代史補世宗皇后符氏卽魏王彥卿之女時有相工視之大驚密告魏王曰此女貴不可言李守貞素有異志因與子崇訓娶之禮畢守貞甚有喜色其後據河中叛高祖爲樞密使受命出征后知高祖與其父有舊城破之際據堂門而坐叱諸軍曰我符魏王女也與樞密太尉兄弟之不若汝等慎勿無禮於是諸軍聳然引退頃之高祖至喜曰此女于白刃紛拏之際保全可謂非常人也乃

歸之魏王至世宗卽位納爲皇后旣免河中之難其母欲使出家資其福壽后不悅曰死生有命誰能髡首跣足以求苟活也母度不可逼遂止世宗素以后賢後立又聞命不以出家爲念愈賢之所以爲天下母也

皇后符氏后妹也國初遷西宮號周太后

五代會要皇太后符氏宣懿

皇后之女弟也顯德六年六月册爲皇后

世宗子七人長曰宜哥次二皆未名次曰恭皇帝次曰熙讓次曰熙謹次曰熙誨皆不知其母爲誰氏宜哥與其二皆爲漢誅太祖卽位詔賜皇孫名誼贈左驍衛大將軍誠左武衛大將軍誠左屯衛大將軍顯德三年羣臣請封宗室世宗以謂爲國日淺恩信未及于人而須功德大成

五代史纂誤今按功德大臣未曉其語無乃功德大成之誤耶

慶流于世而

後議之可也明年夏四月癸未先封太祖諸子又詔曰
父子之道聖賢不忘再思天闕之端愈動悲傷之抱故
皇子左驍衛大將軍誼左武衛大將軍誠左屯衛大將
軍誠等載惟往事有足傷懷宜增一字之封仍贈三台
之秩誼可贈太尉追封越王誠太傅吳王誠太保韓王
而皇子在者皆不封六年北復三關遇疾還京師六月
癸未皇子宗訓特進左衛上將軍封梁王而宗讓亦拜
左驍衛上將軍封燕國公後十日而世宗崩梁王卽位
是爲恭皇帝其年八月宗讓更名熙讓封曹王熙謹熙
誨皆前未封爵遂拜熙謹右武衛大將軍封紀王熙誨

右領軍衛大將軍封斬王皇朝乾德二年十月熙謹卒

熙讓熙誨不知其所終

五代會要世宗長子宗誼越王漢末遇害顯德四年四月追封

第三子宗讓曹王改名熙讓

第四子熙謹紀王第五子

熙誨斬王並顯德六年追封

默記藝祖初自陳橋推

戴入城周恭帝即衣白襪乘轎子出居天清寺世宗節

名而其功德院也祖與諸將同入內六宮迎拜有二小

兒卅角者宮人抱之亦拜詢之乃世宗二子紀王斬王

也顧諸將曰此復何待左右即提去惟潘美在後以手

搥毀柱低頭不語藝祖云汝以爲不可耶美對曰臣豈

敢以爲不可但干理未安藝祖即命追還以其一人賜

美美即收之以爲子而藝祖後亦不復問其後名惟正

者是也每供三代惟以美爲父而不及其他故獨此房

不與美子孫連名名風者乃其後也風爲文官子孫亦

然風有才爲名帥其英明有自云隨手雜錄太祖皇

帝初入宮見宮嬪抱一小兒問之曰世宗子也時范質

與趙普潘美等侍側太祖顧問普等普等曰去之潘美

與一帥在後不語太祖召問之美不敢答太祖曰取人

之位殺人之子朕不忍爲也美曰臣與陛下北面事世

宗勸陛下殺之卽負世宗勸陛下不殺則陛下必致疑太祖曰與爾爲姪世宗子不可爲爾子也美遂持歸其後太祖亦不問美亦不復言後終刺史惟吉潘夙之祖也美本無兄弟其後惟吉愿仕供三代止云以美爲父而不言祖余得之于其家人

嗚呼至公天下之所共也其是非曲直之際雖父愛其子亦或有所不得私焉當周太祖舉兵于魏漢遣劉銖誅其家族于京師酷毒備至後太祖入立遣人責銖銖辭不屈太祖雖深恨之然以銖辭直終不及其家也及追封妻子之被殺者其言深自隱痛之而已不敢有非漢之辭焉蓋知其曲在已也故略存其辭以見周之有媿於其心者矣

五代史記卷第二十

五代史記卷第二十一

廬陵歐陽脩撰

徐無黨原注

南昌彭元瑞注

劉鳳誥排次

嗚呼孟子謂春秋無義戰予亦以謂五代無全臣無者
非無一人蓋僅有之耳余得死節之士三人焉其仕不
及于二代者各以其國繫之作梁唐晉漢周臣傳其餘
仕非一代不可以國繫之者作雜傳夫入于雜誠君子
之所羞而一代之臣未必皆可貴也覽者詳其善惡焉

梁臣傳第九

敬翔字子振同州馮翊人也自言唐平陽王暉之後

五代

史敬翔字子振同州馮翊人唐神龍中平陽王暉之少
後也會祖琬綏州刺史祖忻同州掾父袞集州刺史少
好學工書檄乾符中舉進士不中乃客之梁翔同里人
王發爲汴州觀察支使遂往依焉久之發無所薦引翔
客益窘爲人作牋刺傳之軍中太祖素不知書翔所作
皆俚俗語太祖愛之謂發曰聞君有故人可與俱來翔
見太祖太祖問曰聞子讀春秋春秋所記何等事翔曰
諸侯戰爭之事耳太祖曰其用兵之法可以爲吾用乎
翔曰兵者應變出奇以取勝春秋古法不可用于今太
祖大喜五代史補敬翔應三傳數舉不第發憤投太祖
願備行陣太祖問曰足下通春秋久矣今吾主
盟其爲戰欲效春秋時可乎翔曰不可夫禮樂猶不相
沿襲況兵者詭道宜其變化無窮若復如春秋時則所

謂務虛名而喪其實效大王之事去矣太祖大悅以爲知兵遽延之幕府委以軍事竟至作相通鑑考異高若拙後史補曰梁太祖皇帝到梁園深有大志然兵力不足常欲外掠又虞四境之難每有鬱然之狀時有薦敬秀才于門下乃白梁祖曰明公方欲圖大事輕重必爲四境所侵但令麾下將士詐爲叛者而逃卽明公奏降奇人以及佐於吾初從其謀一出而致衆十倍補以軍職非其所好乃以爲館驛巡官太祖與蔡人戰汴郊翔時時爲太祖謀畫多中太祖欣然以謂得翔之晚動靜輒以問之五代史翔好讀書尤長刀筆應用敏捷乾符中舉進士不第及黃巢陷長安乃東出關時太祖初鎮大梁有觀察支使王發者翔里人也翔往依焉發以故人遇之然無由薦達翔久之計窘乃與人爲賤刺往往有警句傳于軍中太祖比不知書章檄喜淺近語聞翔所作愛之謂發曰知公鄉人有才可與俱來及見應對稱旨卽補右職每令從軍翔不喜武職求補文吏卽署館驛巡官俾專掌檄奏太祖與蔡賊相拒累

歲城門之外戰聲相聞機畧之間翔頗預之太祖大悅
恨得翔之晚故軍謀政術一以諮之蔡賊平奏授太子
中允賜緋從平充鄆改檢校水部郎中太祖兼鎮淮南
授揚府左司馬賜金紫乾寧中改光祿少卿充職天復
中授檢校禮部尚書遙領蘇州刺史通鑑考異莊宗
列傳曰溫狡譎多謀人不測其際唯翔視彼舉錯卽揣
知其心或有所不備因爲之助溫大悅自太祖奉昭宗
以爲得翔之晚故軍謀政術一切諮之

自岐還長安昭宗召翔與李振升延喜樓勞之拜翔太

府卿

五代史昭宗自岐下還長安御延喜樓召翔與李振登樓勞問翔授檢校右僕射大府卿賜號迎鑾

協贊功臣初太祖常侍殿上昭宗意衛兵有能擒之者乃佯

爲鞋結解以顧太祖太祖跪而結之而左右無敢動者

太祖汗流洽背由此稀復進見昭宗遷洛陽宴崇勲殿
酒半起使人召太祖入內殿將有所託太祖益懼辭以

疾昭宗曰卿不欲來可使敬翔來太祖遂麾翔出翔亦
佯醉去太祖已破趙匡凝取荆襄遂攻淮南翔切諫以
謂新勝之兵宜持重以養威太祖不聽兵出光州遭大
雨幾不得進進攻壽州不克而多所亡失太祖始大悔
恨歸而忿躁殺唐大臣幾盡五代史纂誤今按此傳稱
殺唐大臣幾盡所殺果何
人耶以為裴樞等耶則殺樞等乃天祐二年六月而
全忠攻淮南日是其年九月後與裴樞等事不相連屬
以為別有大臣耶則歐陽五代史本紀及唐本紀各不
畧載既云大臣則名字必有著者無容漫無姓名况其
年六月方殺裴樞等而既死者數百人朝廷為之一空
見唐六臣傳豈有九月又以用兵失利歸而忿躁又殺
大臣幾至于盡雖全忠凶賊悖戾亦當不至然益以翔
于此忿躁殺大臣事無所指歸蓋誤書也
為可信任梁之篡弑翔之謀為多太祖即位以唐樞密

院故用宦者乃改為崇政院以翔為使遷兵部尚書金

鑾殿大學士

五代史太祖受禪自宣武軍掌書記前太府卿授檢校司空依前太府卿勾當宣徽

院事尋改樞密院為崇政院以翔知院事開平三年夏四月太祖以邠岐侵擾遣劉知俊西討鄜延深憂不濟因宴顧翔以問西事翔剖析山川郡邑虛實軍糧多少悉以條奏如素講習左右莫不驚異太祖歎賞久之乾化元年進位光祿大夫行兵部尚書金鑾殿大學士知崇政院事平陽郡侯前朝因金鑾殿以為門名與翰林院相接故得為學士者稱金鸞以美之今殿名金鑾從嘉名也置大學士始以翔為之五代會要以金鑾為名非典也大學士與三館大學士同玉海翔為人深乾化元年置金鑾殿大學士以敬翔為之五代史纂誤今按朱

沉有大暑從太祖用兵三十餘年

五代史太祖用兵三十餘年全忠以中和三年癸

卯歲為汴州節度使至建國受禪迄于乾化二細大之年壬申歲遇弒正三十年不得云三十餘年也

務必關之翔亦盡心勤勞晝夜不寐自言惟馬上乃得

休息而太祖剛暴難近有所不可翔亦未嘗顯言微開

其端太祖意悟多爲之改易

五代史翔自釋褐東下遭遇霸王懷抱深沈有經濟

之畧起中和歲至鼎革大運其間三十餘年扈從征伐出入帷幄庶務叢委恒達旦不寢唯在馬上稍得晏息每有所裨贊亦未嘗顯諫上俛仰顧步間微示持疑爾而太祖意已察必改行之故裨佐之迹人莫得知侯鯖錄五代敬翔當權時門前一風子白衫作舞歌曰執板談歌乞箇錢塵中流派酒中仙直饒到老常如此猶勝危時弄化權太祖破徐州得時溥寵姬劉氏愛幸之劉氏故

尙讓妻也乃以妻翔翔已貴劉氏猶侍太祖出入臥內如平時翔頗患之劉氏誚翔曰爾以我嘗失身于賊乎尙讓黃家宰相時溥國之忠臣以卿門第猶爲辱我請從此訣矣翔以太祖故謝而止之劉氏車服驕侈別置

典謁交結藩鎮權貴往往附之寵信言事不下于翔當

時貴家往往效之

五代史翔妻劉氏父為藍田令廣明之亂劉為巢將尚讓所得巢敗讓攜

劉降于時溥及讓誅時溥納劉于妓室太祖平徐得劉氏嬖之屬翔喪妻因以劉氏賜之及翔漸貴劉猶出入太祖臥內翔情禮稍薄劉于曲室讓翔曰卿鄙余曾失身于賊耶以成敗言之尚讓巢之宰輔時溥國之忠臣論卿門第辱我何甚請從此辭翔謝而止之劉侍太祖之勢太祖四鎮時劉已得國夫人之號車服驕侈婢媵皆珥珠翠其下別置爪牙典謁書幣聘使交結藩鎮近代婦人之盛無出其右權貴皆相附麗寵信言事不下于翔當時貴達之家從而效之敗俗之甚也太祖崩友珪立以翔先帝謀臣

懼其圖已不欲翔居內職乃以李振代翔為崇政使拜

翔中書侍郎同中書門下平章事翔以友珪畏已多稱

疾未嘗省事

五代史及太祖大漸召至御牀前受顧託之命且深以并冠為恨翔嗚咽不忍受命

而退庶人友珪之篡位也以天下之望命翔爲宰相末
友珪以翔先朝舊臣有所畏忌翔亦多病不綜政事

帝卽位趙巖等用事頗離間舊臣翔愈鬱鬱不得志其

後梁盡失河北與晉相距楊劉翔曰故時河朔半在以

先帝之武御貔虎之臣猶不得志于晉今晉日益彊梁

日益削陛下處深宮之中所與計事者非其近習則皆

親戚之私而望成事乎臣聞晉攻楊劉李亞子負薪渡

水爲士卒先陛下委蛇守文以儒雅自喜而遣賀瓌爲

將豈足當彼之餘鋒乎臣雖億矣受國恩深若其乏材

願得自效巖等以翔爲怨言遂不用

五代史末帝卽位趙張之族皆處權

要翔愈不得志及劉鄩失河朔安彥之喪楊劉翔奏曰
國家連年遣將出征封疆日削不獨兵驕將怯亦制置

未得其術陛下處深宮之中與之計事者皆左右近習
豈能量敵之勝負哉先皇時河朔半在親御虎臣驍將
猶不得志于敵人今寇馬已至鄆州陛下不畱聖念臣
所未喻一也臣聞李亞子自墨獫統衆于今十年每攻
城臨陣無不親當矢石昨聞攻楊劉率先負薪渡水一
鼓登城陛下不親當矢石未嘗如此俾賀瓌輩與之較力
而望攘逐戎寇臣所未喻二也陛下所宜詢于黎老別
運沈謀不然則憂未艾也臣雖駑怯受國恩深陛下必
若乏材乞于邊陲効試末帝雖知其後王彥章敗于
懇惻竟以趙張輩言翔怨望不之聽其後王彥章敗于
中都末帝懼召段凝于河上是時梁精兵悉在凝軍凝
有異志顧望不來末帝遽呼翔曰朕居常忽卿言今急
矣勿以爲懟卿其教我當安歸翔曰臣從先帝三十餘
年今雖爲相實朱氏老奴爾事陛下如郎君以臣之心
敢有所隱陛下初用段凝臣已爭之今凝不來敵勢已

迫欲爲陛下謀則小人間之必不見聽請先死不忍見

宗廟之亡君臣相向慟哭

五代史及王彥章敗于中都晉人長驅而南末帝急召翔

謂之曰朕居常忽卿所奏果至今日事急矣勿以爲懟且使朕安歸翔泣奏曰臣受國恩僅將三紀從微至著皆先朝所遇雖名宰相實朱氏老奴耳事陛下如郎君以臣愚誠敢有所隱陛下初任段凝爲將臣已極言小人朋附致有今日晉軍卽至段凝限水欲請陛下出居避敵陛下必不聽從欲請陛下出奇應敵陛下必不果決縱良平復生難以轉禍爲福請先死翔與李振俱爲不忍見宗廟隕墜言訖君臣相向慟哭

太祖所信任莊宗入汴詔赦梁羣臣李振喜謂翔曰有

詔洗滌將朝新君邀翔欲俱入見翔夜止高頭車坊將

旦左右報曰崇政李公入朝矣翔嘆曰李振謬爲丈夫

矣復何面目入梁建國門乎乃自經而卒

五代史及晉主昭都城有

詔赦梁氏臣寮李振謂翔曰有制洗滌將朝新君翔曰
新君若問其將何辭以對是夜翔在高頭里第宿于車
坊欲曙左右報曰崇政李太保已入朝翔返室嘆曰李
振謬爲丈夫耳朱氏與晉仇讐我等始同謀畫致君無
狀今少主伏劍于國門縱新朝赦罪何面目入建國門
也乃自經而卒數日并其族被誅初貞明中史臣李琪
張袞鄒殷象馮錫嘉奉詔脩撰太祖實錄三十卷敘述
非工事多漏畧復詔翔補緝其闕翔乃別纂成三十卷
目之曰大梁編遺錄與實錄偕行

朱珍徐州豐人也少與龐師古等俱從梁太祖爲盜五

史朱珍徐州豐縣雍鳳里人也太祖初起兵珍與龐師
古許唐李暉丁會氏叔琮鄧季筠王武等八十餘人以
中涓從摧堅陷珍爲將善治軍選士太祖初鎮宣武珍
陣所向盪決

爲太祖創立軍制選將練兵甚有法太祖得諸將所募
兵及佗降兵皆以屬珍珍選將五十餘人皆可用

五代史及

太祖鎮汴兼領招討使署珍爲宣武右職以總腹心梁
于是簡練軍伍裁制綱紀平巢破蔡多珍之力也

敗黃巢破秦宗權東并兗鄆未嘗不在戰中而常勇出

諸將太祖與晉王東逐黃巢還過汴館之上源驛太祖

使珍夜以兵攻之晉王亡去珍悉殺其麾下兵五代史始尙讓

以驍騎五千人至繁臺珍與龐師古齊奉國等擊退之

及黃巢敗珍與并帥李克用追至冤句而還尋從太祖

以汴宋亳之師入西華破王夏寨勇冠軍鋒以功加秩

光啟元年署諸軍都指揮使始爲上將于是軍焦夷敗

蔡師鐵林三千人盡俘其將復西至汝鄭南過陳穎

繚宋亳滑濮間與蔡賊交戰屢伏冀殺不知其數義

成軍亂逐安師儒師儒奔梁太祖遣珍以兵趨滑州道

遇大雪珍趣兵疾馳一夕至城下遂乘其城義成軍以

爲方雪不意梁兵來不爲備遂下之五代史會滑州節度使安師儒戎政

不治太祖命珍與李唐賓率步騎以經畧之始入境遇大雪令軍士無得休息一夕馳至壁下百梯並升遂乘其墮滑秦宗權遣盧瑋張晔等攻梁是時梁兵尙少數

爲宗權所困太祖乃拜珍淄州刺史募兵于淄青珍偏將張仁遇白珍曰軍中有犯令者請先斬而後白珍曰偏將乃欲專殺耶立斬仁遇以徇軍軍中皆感悅珍得所募兵萬餘以歸太祖大喜曰賊在吾郊若踐吾麥奈何今珍至吾事濟矣且賊方息兵養勇度吾兵少而未知珍來謂吾不過堅守而已宜出其不意以擊之乃出兵擊敗晔等宗權由此敗亡而梁軍威大振以得珍兵故也

五代史時太祖方謀濟師乃遣珍往淄州募兵行次任縣東面都統齊克讓伏兵于孫師陂以邀珍

珍大破之進軍至牙山都虞候張仁遇白珍曰軍有不齊者當先斬本都將後以狀聞願許之珍怒其專乃斬仁遇以徇軍由是諸將咸懼兵至乾封與淄人戰于白草口敗之青人以步騎二萬列三寨于金嶺驛珍與戰連破之殲其師盡獲軍器戎馬是夕攻博昌大獲兵衆其後破盧瑋張誼及朱瑄朱瑾之衆平定曹濮未嘗不在戰

中珍從太祖攻朱宣取曹州執其刺史邱宏禮又取濮州刺史朱裕奔于鄆州太祖乃還汴畱珍攻鄆州珍去鄆二十里遣精兵挑之鄆人不出朱裕詐爲降書陰使人召珍約開門爲內應珍信之夜率其兵叩鄆城門朱裕登陴開門內珍軍珍軍已入襲城中珍僅以身免太從城上礮石以投之珍軍皆死襲城中珍僅以身免太祖不之責也魏博軍亂囚樂彥貞太祖遣珍救魏珍破

黎陽臨河李固分遣聶金范居實等畧澶州殺魏豹子
軍二千于臨黃珍威振河朔魏人殺彥貞珍乃還梁攻
徐州遣珍先攻下豐縣又敗時溥于吳康與李唐賓等
屯蕭縣唐賓者陝州陝人也初爲尙讓偏將與太祖戰
尉氏門爲太祖所敗唐兵乃降梁梁兵攻掠四方唐賓
常與珍俱與珍威名畧等而驍勇過之珍戰每小却唐
賓佐之乃大勝珍常私迎其家置軍中太祖疑珍有異
志遣唐賓伺察之珍與唐賓不協唐賓不能忍夜走還
宣武珍單騎追之交訴太祖前太祖兩惜其才爲和解
之

五代史梁山之役始與李唐賓不協珍在軍嘗私迎其室于汴而不先請太祖疑之密令唐賓察之二將

不相下因而交諍唐賓夜斬關還汴以訴珍亦棄軍單
騎而至太祖兩惜之故不罪俾還于師復以踏白騎士
入陳毫間以邀蔡人遂南至斤溝破淮西石璠之師二
萬楊璠以獻珍旋師自毫北趣靜戎濟舟于滑破黎陽
臨河李固三鎮軍于內黃敗樂從訓萬餘人分命聶金
范居實畧澶州與魏師遇于臨黃魏軍有豹子軍二千
餘人戮之無噍類威振河朔復攻淮西至蔡夾河而寨
敗賊將蕭皓之衆皆擁于河溺死之進軍蔡州營其西
南旣破羊馬垣遇雨班師珍以兵援劉瓚赴楚州至襄
山南遇徐戎扼其路珍乃攻豐下之時溥乃以全師會
戰于豐南吳康里珍乃收豐破其三珍屯蕭縣聞太祖
萬餘衆及蔡賊平珍北諸將功居多
將至戒軍中治館廩以待唐賓部將嚴郊治廩失期軍
吏督之郊訴于唐賓唐賓以讓珍珍怒拔劍而起唐賓
拂衣就珍珍卽斬之遣使者告唐賓反使者晨至梁敬
翔恐太祖暴怒不可測乃匿使者至夜而見之謂雖有

所發必須明日冀得少緩其事而圖之既夕乃引珍使者入見太祖大驚然已夜矣不能有所發翔因從容爲太祖畫明日佯收唐賓妻子下獄因如珍軍去蕭一舍珍迎謁太祖命武士執之諸將霍存等十餘人叩頭救珍

珍

通鑑注使全忠不殺朱珍珍其肯爲全忠用于霍存等之請弗思爾矣

太祖大怒舉胡

牀擲之曰方珍殺唐賓時獨不救之邪存等退珍遂縊

死

五代史龍紀初與諸將屯于蕭縣以禦時溥珍慮太祖自至令諸軍葺馬廐以候巡撫李唐賓之裨將嚴

郊獨慢焉軍侯范權恃珍以督唐賓素與珍不協果怒乃見以訴其事珍亦怒曰唐賓無禮遂拔劍斬之珍命

騎列狀陳其事太祖初聞唐賓之死驚駭與敬翔謀詐令有司收捕唐賓妻子下獄以安珍心太祖遂徑往蕭

縣距蕭一舍珍率將校迎謁梁祖令武士執之責其專殺命丁會行戮都將霍存等數十人叩頭以救太祖怒

以坐牀櫛之乃退又李唐賓陝州陝縣人也中和四年二月尚讓之冠繁臺也唐賓與李讜霍存並為巢將與太祖之軍戰于尉氏門外三月太祖破瓦子寨唐賓與王虔裕來降時黃巢壁于陳郊乃命唐賓摩其西園與王滿之師王夏之陣唐賓悉在戰中後與朱珍趣滑州所向摧敵及取滑平蔡前後破鄆淮徐之衆功與朱珍畧等而驍勇絕倫善用牙未嘗不率先陷陣其善于治軍行師之道亦與珍齊名珍之擒石璠也唐賓亦攻澶州郭言犄角下魏師未嘗不與珍同破黎陽李固等鎮自西南破其外垣唐賓亦堙壕坎墉摧其東北隅及伐徐取豐時溥軍于吳康珍亟遇之未能却唐賓引本軍擊敗之珍遂大勝每興師必與珍偕用故往無不利然而剛中用壯遂為珍所害以謀叛聞太祖聞之痛惜累日及誅朱珍後令其妻孥至軍收葬而加弔祭焉

龐師古曹州南華人也初名從梁太祖鎮宣武初得馬五百匹為騎兵乃以師古將之從破黃巢秦宗權皆有

功五代史龐師古曹州南華人初名從以中涓從太祖

將五百匹師古為偏太祖攻時溥未下畱兵屬師古

守之師古取其宿遷進屯呂梁溥以兵二萬出戰師古

敗之斬首二千級孫儒逐楊行密取揚州淮南大亂太

祖遣師古渡淮攻儒為儒所敗是時朱珍李唐賓已死

師古與霍存分將其兵柳王友裕攻徐州朱瑾以兵救

時溥友裕敗溥于石佛山瑾收餘兵去太祖以友裕可

追而不追奪其兵以屬師古師古攻破徐州斬溥太祖

表師古徐州畱後五代史及朱珍以罪誅遂用師古為

軍州破天長下高郵松淮轉戰所至克捷尋代朱友裕領

于梁山敗朱宣之衆襲至壘下又破朱瑾于清河從討
汶陽與朱宣朱瑾及晉將史儼兒戰于故樂亭大捷而
迴乾寧四年正月復統諸軍伐鄆拔之擒其帥朱宣以
獻始表爲天平軍節度畱後尋授徐州節度使官至檢
校司徒文苑英華授麗從武寧平難軍節度使改名
師古制門下沛澤遺封砮山奧壤俗稱雄富人本質良
古爲用武之鄉今乃優賢之地况自嬰多難極迫延災
烝黎膏困于流離全材久專於綏撫已觀試可爰議正
名時舉寵章用申獎勸具官麗從夙懷明畧早負壯圖
精專能習于豹韜瓌偉素推其薦頌襟靈豁達氣宇剛
嚴居然將領之才邈爾深沉之度差肩頗翦接武韓彭
揚閫外之休聲富幄中之嘉畫自委之劉氏頒我詔條
惠愛行於鄉閭威望揚於士伍克成謠詠遠副憂勤臨
戎旣耀于雄稜撫俗備揚其善政邁移歲月足洽寵靈
是宜錫以旌幢進其官秩奄有徐夷之一境爰撫大彭
之故都膺吾眷求永作藩翰於戲敬敷五教光摠十連
踐論道之華資加御貴之榮級無忘惕勵梁兵攻鄆州
以奉恩光可某官仍改名師古主者施行

臨濟水師古徹木爲橋夜以中軍先濟朱宣走中都見

殺太祖已下兗鄆乃遣師古與葛從周攻楊行密于淮南師古出清口從周出安豐師古自其微時事太祖爲人謹甚未嘗離左右及爲將出兵必受方畧以行軍中非太祖命不妄動師古營清口地勢卑或請就高爲柵師古以非太祖命不聽淮人決水浸之請者告曰淮人決河上流水至矣師古以爲搖動士卒立斬之已而水至兵不能戰遂見殺五代史乾寧四年八月與葛從周分統大軍渡淮以伐楊行密十一

月師古寨于清口寨地卑下或請遷移弗聽俄有告淮人決上流者曰水至矣師古怒其惑衆斬之須與我軍

在淖中莫能戰而吳人襲焉故及于敗師古没于陣

玉堂閒話唐昭宗乾寧丙辰歲朱梁太祖誅不附己者

兗帥朱瑾亡命淮海梁祖命徐帥龐從會軍五萬于青口東所屯之地蓋兵書謂之絕地人不駕肩行一舍方

至夷坦之處時梁祖命腹心者監護之統帥莫之能禦
未信宿朱瑾果自督數萬而至從聞瑾親至一軍喪魄
及戰無敢萌門志或溺或浮唯二獲免先是瑾軍未
至前部伍虛驚尤多怪異刁斗架自行于軍帳之前家
屬在徐州亦凶怪屢見使宅之後素有妖狐之穴或府
主有災卽見時命僧于雕堂建道場統帥未亡之前家
人望見燕子樓上有婦人衣紅白晝凭欄而立見人窺
之漸移身退後而沒時登樓之門皆扃鐺之不數日州
問至九國志侯瓚字信美城濮人黃巢聚兵于曹濮
瓚從之時年十六巢陷軍師瓚逃歸鄆州時僖宗幸蜀
徵十道兵討巢朱瑄以鄆兵應命瓚爲偏將預行尋復
與諸道兵伐秦宗權皆以勇果聞頃之隨瑄弟瑾襲兗
州瓚與瑾逆殺齊克讓破宿州瑾據有兗州瓚爲爪牙
梁祖攻兗州力戰以却梁兵梁祖圍時溥於徐州兗鄆
兵救之不利溥死梁兵遂攻兗鄆戰于城下者數年長
圍三合而三却之時瓚常在瑾之左右大小數百戰隨
瑾搏擊馳突出入敵中殺傷不可勝計乾寧四年隨瑾
與太原將史儼掠徐州瑾將康懷貞以兗州叛瑾無所
歸與瓚等率兵數千走海州遂來歸行密授瓚衙將是
歲梁太祖大舉兵伐吳龐從聶金率衆入自清口葛從

周以精兵圍壽陽江淮大恐行密以兵萬二千會戰於清口時兵起倉卒加以陰寒戰士皆攘食飲雪而行甫及梁營則豎戈植足門志未決瑾與瓚率五十餘騎潛濟淮入自壘北舞榭而馳囂聲雷沸梁兵皆殞眈不能舉遂斬龐從大將繼之死者大半鳴鼓西行破葛從周於壽陽沉其卒萬餘人于淠河梁人大震瓚功為多授左右隨從騎軍副使隨王茂章救王師範于青州破梁兵五萬餘殺友寧瓚復有功從周本攻蘇州戰于黃天蕩從徐溫却王景仁于壽陽逐劉崇景於袁州朱瑾救徐州之圍及攻潁州瓚皆預戰累授滁州刺史太和三年卒年七十

嗚呼兵之勝敗豈易言哉梁兵強于天下而吳人號為輕弱然師古再舉擊吳輒再敗以死其後太祖自將出光山攻壽春然亦敗也蓋自高駢死唐以梁兼統淮南遂與孫楊爭矣凡三十年間三舉而三敗以至彊遭至

弱而如此此其不可以理得也兵法固有以寡而敗衆以弱而勝強者顧吳豈足以知之哉豈非適與其機會邪故曰兵者凶器戰者危事也可不慎哉

葛從周字通美濮州鄆城人也

五代史葛從周字通美濮州鄆城人也曾祖阮

祖遇賢父簡累贈兵部尚書

少從黃巢巢敗降梁

五代史從周少豁達有智畧初入黃

巢軍漸至軍校唐中和四年三月太祖大破巢軍于王滿渡從周與霍存張歸霸昆弟相率來降

從太

祖攻蔡州太祖墜馬從周扶太祖復騎與敵步鬥傷面

身被數創偏將張延壽從旁擊之從周得與太祖俱去

太祖盡黜諸將獨用從周延壽爲大將

五代史七月從太祖屯兵于西

華破蔡賊王夏寨太祖臨陣馬踣賊衆來追甚急從周扶太祖上馬與賊軍格鬥傷面矢中于肱身被數槍奮

命以衛太祖賴張延壽迴馬轉門從周與太祖俱秦宗
免退軍激水諸將並削職唯擢從周延壽爲大校

權掠地潁毫及梁兵戰于焦夷從周獲其將王涓一人

五代史其後入長葛靈井大敗蔡賊至斤溝從朱珍收
泚河殺鐵林三千人獲九寨都虞候王涓

兵淄青遇東兵輒戰珍得兵歸從周功爲多張全義襲

李罕之于河陽罕之奔晉召晉兵以攻全義全義乞兵

于梁太祖遣從周丁會等救之敗晉兵于沈河潞州馮

霸殺晉守將李克恭以降梁太祖遣從周入潞州晉兵

攻之從周不能守走河陽太祖攻魏從周與丁會先下

黎陽臨河會太祖于內黃敗魏兵于永定橋從丁會攻

宿州以水浸其城遂破之太祖攻朱瑾于兖州未下畱

從周圍之瑾閉壁不出從周詐言救兵至陽避之高吳
夜半潛還城下瑾以謂從周已去乃出兵收外壕從周
掩擊之殺千餘人五代史太祖道郭言募兵于陝州有黃花子賊據于溫谷從周擊破之又
破秦賢之衆于榮陽尋佐朱珍收兵于淄青間時兗州
齊克讓軍于任城從周敗之擒其將呂全真淄人不
制復與之戰獲其驍將聶約會青州以步騎萬餘人
三寨于金嶺以扼要害從周與朱珍大殲其衆擄其
楊昭範等五人而還至大梁不解甲徑至板橋擊蔡
破盧瑋寨瑋自溺而死又于赤岡殺蔡軍二萬餘人
討謝殷于亳州擒之迴襲曹州擄刺史邱宏禮以歸
兗軍遇于臨濮之劉橋殺數萬人朱宣朱瑾僅以身
免擒都將鄒務卿已下五十人從太祖至范縣復與
宣戰擄尹萬榮等三人遂平濮州未幾與朱珍擊蔡賊
于陳亳間獲都將石璠文德元年魏博軍亂樂從訓
告急從太祖渡河援黎陽李固臨河等鎮至內黃破
軍萬餘衆獲其將周儒等十人李罕之引并人圍張全
義于河陽從周與丁會張存敬牛存節率兵赴援大破

并軍殺蕃漢二萬人解河陽之圍以功表授檢校工部
尚書從朱珍討徐州拔豐縣敗時溥于吳康得其輜重
加檢校刑部尚書佐龐師古討孫儒于淮南畧地至廬
壽除等州下天長高郵破邵伯堰迴軍攻濠州殺刺史
魏勲得餉船十艘大順元年八月并帥圍潞州太祖遣
從周率敢死之士夜銜枚犯圍而入會王師不利于馬
牢川卽棄上黨而歸其年十二月與丁會諸將討魏州
連收十邑明年正月大破魏軍于永定橋魏軍五敗斬
首萬餘級十月佐丁會攻宿州從周墜水灌其城刺史
張筠以郡降從討兗州破朱瑾之軍于馬溝景福二年
二月與諸將大破徐兗之兵于石佛山八月與龐師古
同攻兗州乾寧元年三月軍至新泰縣朱瑾令都將張
約李胡椒率三千人來拒戰師古遣從周張存敬掩襲
生擒張約李胡椒等將數十人二年十月圍兗州兗
州人不出從周詐場言并人鄆人來救卽引軍趨高吳
夜半却潛歸寨朱瑾果出兵攻外壕我軍士突出掩殺
千餘人生擒都將孫漢筠從周累立戰功自懷州刺史
歷曹宿二州刺史遷檢校左僕射通鑑十一月朱
瑄朱瑾告急于河東李克用遣大將史晉攻魏魏人求
儼李承嗣將數千騎假道于魏以救之

救太祖遣侯言救魏言築壘于洹水太祖怒言不出戰
遣從周代言從周至軍益閉壘不出而鑿三閭門以待
晉兵攻之從周以精兵自閭門出擊敗晉兵晉王怒自
將擊從周從周雖大敗而梁兵擒其子落落送于魏斬
之五代史三年五月并帥以大軍侵魏遣其子落落率
二千騎屯洹水從周以馬步二千人擊之殺戮殆盡
擒落落于陣并帥號泣而去遂從攻鄆州擒朱宣于中都又攻兗州
走朱瑾太祖表從周兗州畱後王堂閒話梁葛侍中周
鎮兗之日嘗遊從此亭
公有廳頭甲者年壯未墜有神彩善騎射膽力出人偶
因白事葛公召入時諸姬妾並侍左右內有一愛姬乃
國色也專寵得意常在公側甲窺見愛姬目之不已葛
公有所顧問至于再三甲方流眄于殊色竟忘其對答
公但俛首而已既罷公微哂之或有告甲者甲方懼但
云神思迷惑亦不記憶公所處分事數日之間慮有不

測之罪公知其憂甚以溫顏接之未幾有詔命公出征
拒唐師於河上時與敵決戰交鋒數日敵軍堅陣不動
日暮軍士飢渴殆無人色公乃召甲謂之曰汝能陷此
陣否甲曰諾即攬轡超乘與數十騎馳赴敵軍斬首數
十級大軍繼之唐師大敗及葛公凱旋乃謂愛姬曰甲
大有戰功宜有酬賞以汝妻之愛姬泣涕辭命公勉之
曰爲人之妻可不愈于爲人之妾耶令具飾資粧其直
數千緡召甲謂之曰汝立功于河上吾知汝未婚今以
某妻兼署列職此女卽所目也甲固稱死罪不敢承命
公堅與之乃受噫古有絕纓盜馬之臣豈逾于此葛公
爲梁名將威名著于敵中河北諺曰山東一條葛無事
莫撩撥云又充之東鈔里泗水上有亭亭上有天齊
王祠中有三郎君祠神者巫云天齊王之愛
相傳岱宗之下樵童牧豎或有逢羽獵者騎從華麗如
侯王卽此神也魯人畏敬過于朱梁時葛周鎮充
部署嘗舉家婦女遊于泗亭遂至神祠周有子十二郎
者其婦美容止拜于三郎君前熟視而退俄而病心痛
踣地悶絕久之舉族大悸卽禱神有頃乃瘳自是精神
失常夢寐恍惚嘗與神遇其家懼之送婦往東京以避
之未幾其神亦至謂婦曰吾尋汝久矣今復相遇其後

信宿輒來每神將至婦則先欠伸呵噓謂侍者曰彼已至矣卽起入帷中侍者屬耳伺之則聞私相竊笑語遂巡方去率以爲常其夫畏神竟不敢與婦同宿久之婦亦卒以充鄆兵攻淮南出安

豐會龐師古于清口從周行至濠州聞師古死遽還至

淝河將渡而淮兵追之從周亦大敗五代史遂自洹水與龐師古渡河擊

鄆四年正月下之從周乘勝伐充會朱瑾出師在徐境其將康懷英以城降以功授兗州畱後檢校司空復領

兵萬餘人渡淮討楊行密至濠州聞龐師古清口之敗遽班師是時晉兵出山東攻相

衛太祖遣從周畱地山東下沼州斬其刺史邢善益又

下邢州走其刺史馬師素又下磁州殺其刺史袁奉滔

五日而下三州太祖乃表從周兼邢州畱後五代史光化元年四

月率師經畱山東時并帥以大軍屯邢洛從周至鉅鹿與并軍遇大破之并帥遁走我軍追襲至青山口數日

之內邢沼磁三州連下斬首二萬級獲將吏一百五十人卽以從周兼領邢州留後十月復破并軍五千騎于張公橋晉將李嗣昭急攻邢州陣于城門外劉仁恭攻從周大破之擒蕃將賁金鐵慕容騰百餘人劉仁恭攻魏已屠貝州羅紹威求救于梁從周會太祖救魏入于魏州燕兵攻館陶門從周以五百騎出戰曰大敵在前何可反顧使閉門而後戰破其八柵燕兵走追至於臨清擁之御河溺死者甚衆太祖以從周爲宣義行軍司馬太祖遣從周攻劉守文于滄州以蔣暉監其軍守文求救于其父仁恭仁恭以燕兵救之暉語諸將曰吾王以我監諸將今燕兵來不可迎戰宜縱其入城聚食倉廩使兩困而後取之諸將頗以爲然從周怒曰兵在上

將豈監軍所得言且暉之言乃常談耳勝敗之機在吾
心暉豈足以知之乃勒兵逆仁恭于乾寧戰于老鴉堤
仁恭大敗斬首三萬餘級獲其將馬慎交等百餘人馬
三千匹是時守文亦求救于晉晉爲攻邢洺以牽之從

周遠還敗晉于青山

五代史二年春幽州劉仁恭率軍

臺馳入魏州燕軍笑上水關攻館陶門從周與賀德倫
率五百騎出戰謂門者曰前有敵不可返顧命闔其門
從周等極力死戰大敗燕人擒都將薛笑厥王卻郎等
朔日破其八寨追擊至臨清劉仁恭走滄州從周授宣
義軍行軍司馬五月并人討李罕之于潞州太祖以丁
會代罕之令從周馳入上黨七月并人陷澤州太祖召
從周令賀德倫守潞州德倫等尋棄城而歸三年四月
領軍討滄州先攻德州下之及進攻浮陽幽州劉仁恭
大舉來援時都監蔣元暉謂諸將曰吾王命我護軍志
在攻取今燕帥來赴不可迎戰當縱其入壁聚食困廩

力屈糧盡必可取也從周對曰兵在機機在上將非督
護所言也乃令張存敬氏叔琮守其寨從周逆戰于乾
寧軍老鵝堤大破燕軍斬首三萬獲將佐馬慎交已下
百餘人奪馬三千匹八月并人攻邢洺從太祖破之從
周追襲至青山口斬首五千級獲其將王師郎楊師
悅等得馬千匹表授檢校太保兼徐州兩使畱後遂
從太祖攻鎮州下臨城王鎔乞盟太祖表從周泰寧軍
節度使五代史尋為兗州節度使制門下建牧立監施亭育之深
仁顯忠遂良表激揚之茂典其有聲馳軍伍績著郡符
威令夙振于戎行美化滂流于封部允契求材之念宜
當分闔之榮遂舉麗章俾膺重寄具官某學洞元符智
包黃石抱刻銘燕然之志蘊刊碑勃弄之心氣薄雲天
義凌霜雪以和為貴用壯處謙御下而寬猛有經料敵
而鎔銖罔失朕以鄒魯重鎮兵革連年慎擇可人用蘇
疲俗得於僉論叶我敷求昔魏延以勇畧逸羣自偏裨
而登上將呂蒙以材志拔萃捨行陣而總戎麾况乎早
踐方州屢登崇秩積効已彰于靡盬獎酬宜示於優恩
仍加水土之尊式寵旌旄之寄爾其靜訓驍勇之士惠

先惇獨之人布我憂勤康其
凋瘵膺茲超擢無忘恪恭
從氏叔琮攻晉太原不克

梁兵西攻鳳翔青州王師範遣其將劉鄩襲兗州從周

家屬爲鄩所得厚遇之而不殺文苑英華泰寧軍節度使葛從周母廣平郡太

君宋氏進封廣平郡太夫人制勅某官某母郡太君宋氏古者事親竭力而養樂于負米信有其人今從周秩

帶三公貴享十乘實賴嚴明之訓以成忠信之名爾旣承顏必盡無違之志吾方教孝遂加有典之勲可依前

件又泰寧軍節度使葛從周妻清河縣君張氏進封清河郡君制勅具官葛從周妻清河縣君張氏生自良

家配吾戎帥頗能佑助克濟功名柔順睦親內則有聞於宗族溫恭近禮外言不出于閨房旣屬推恩是宜用

典進之郡邑俾稱藩侯可依前件太祖還自鳳翔乃遣從周攻鄩從周

卒招降鄩五代史天復元年三月與氏叔琮討太原從周以兗鄆之衆自土門路入與諸軍會于晉

陽城下以糧運不給班師頃之從周染疾會青州將劉鄩陷兗州太祖命討之遂力疾臨戎三年十一月鄩舉

城降以功授
檢校太傅

太祖卽位拜左金吾衛上將軍以疾致仕

拜右衛上將軍居于偃師末帝卽位拜昭義軍節度使

封陳畱郡王食其俸于家卒贈太尉

五代史太祖以從周抱疾旣久命康

懷英代之授左金吾上將軍以風恙不任朝謁改右衛

上將軍致仕養疾偃師縣毫邑鄉之別墅頃之授太子

太師依前致仕末帝卽位制授潞州節度使令坐食其

俸加開府儀同三司檢校太師兼侍中封陳畱郡王累

食邑至七千戶命近臣賚旌節就別墅以賜之貞明初

卒于家册贈太尉清異錄梁將葛從周忠義驍勇每

臨陣東西南北忽焉如神晉人稱爲分身將又葛從

周有水營鐵甲十年不磨治亦如鏡面遇賊戰不利甲

必前昏事已還復從周常以候尅其驗如神日以香

酒奉之設次于中寢曰金翅將軍之位王堂閒話葛

侍中鎮兗之日威名著于敵中河

北諺曰山東一條葛無事莫撩撥

霍存洺州曲周人也少從黃巢巢敗存乃降梁

五代史

霍存洺州曲周人也少從黃巢巢敗存乃降梁

霍存洺

州曲周縣人性驍勇善騎射在黃巢中已爲將領唐中和四年太祖大破巢軍于王滿渡時存與葛從周張歸霸皆自巢軍來降太祖宥而納之存爲將驍勇善騎射秦宗權攻汴存

以三千人敗晁于赤岡從朱珍掠淄青龐師古攻時溥

皆有功

五代史其後破王夏寨擊殷鐵林並在戰中尋佐朱珍取滑臺攻淄州取博昌皆預戰立功時

秦賊張晁在汴北存以三千人夕犯其營破之用本部騎兵敗秦賢軍殺五千入連破四寨盡得其輜重從討盧瑋張晁殪萬餘人存功居多我軍之圍濮州也有賊升眺樓大詬太祖怒召存射之矢一發而屍墮其下賞資甚厚復佐朱珍擒石瑋破魏師敗徐戎又佐龐師古至呂梁敗時溥二千餘衆以是累遷官朱珍與

李唐賓俱死乃以龐師古代珍存代唐賓以攻溥溥敗

楊山獲其將石君和等五十人梁攻宿州葛從周引水

浸之丁會與存戰城下遂下之從攻潞州與晉人遇戰

馬牢川存人則當其前出則爲其殿晉人却遂東攻魏
取淇門殺三千人梁得曹州太祖以存爲刺史兼諸軍
都指揮使梁攻鄆州朱瑾求救梁諸將或勸太祖縱瑾
入鄆耗其食堅壁勿戰以此可俱弊太祖曰瑾來必與
時溥俱不若遣存邀之存伏兵蕭縣已而瑾果與溥俱
出迷離存發伏擊之遂敗瑾等于石佛山存中流矢卒
五代史初王師渡淮乏食不甚利惟存軍戰有功淮賊
乃引退太祖之討宿州也葛從周以水壞其垣丁會以
師乘其墉存戰壘外敗其軍宿人乃降明年佐柳王友
裕擊時溥于楊山破之獲蕃將石君和等五十人是歲
復與晉軍戰于馬牢川始入爲前鋒出則後拒晉不敢
逼乃渡河襲淇門殺三千餘人曹州刺史郭紹賓之來
歸也存以師援之遂代其任始朱友裕以大軍伐鄆臨
其壁旣而師陷圍中以急來告存傾二百騎馳擊退之

太祖喜拔爲諸軍都指揮使景福二年春太祖親至曹州畱騎軍數千令存將之且曰有急則倍道兼行以赴之俄聞朱瑾領兵二萬人援彭門存乃領騎軍馳赴之與徐兗之衆合戰于石佛山下大敗之存亦中流矢而卒時人稱太祖已卽位閱騎兵于繁臺顧諸將曰使霍其忠勇

存在豈勞吾親閱邪諸君寧復思之乎佗曰語又如此

五代史初朱珍李唐賓之沒麗師古代珍存代唐賓戰伐功績多與師古同始遙領部州牧又改賀州後用爲權知曹州刺史官至檢校右僕射及太祖登極屢有征討因起猛士之歎一日幸講武臺閱兵謂諸將曰霍存

在朕安有此勞苦耶諸君其思之他日語又如足累贈官至太保子彥威後唐明宗朝爲青州節度使

張存敬譙郡人也爲人剛直有膽勇少事梁太祖爲將

善因危窘出奇計

五代史張存敬譙郡人也性剛直有膽勇臨危無所畏憚唐中和中從太

祖赴汴以其折節頗見親昵首爲右騎都將從討巢蔡凡歷百戰多于危蹙之間顯有奇畧由是類立殊功

李罕之與晉人攻張全義于河陽太祖遣存敬與丁會

等救之罕之解圍去太祖以存敬爲諸軍都虞候

五代史光

啟中李罕之會晉軍圍張宗奭于盟津太祖遣丁會葛從周存敬同往馳救存敬引騎軍先犯敵將諸軍翼之敵騎大敗乃解河橋之圍太祖攻徐兗以存敬爲行營

都指揮使從葛從周攻滄州敗劉仁恭于老鴟隄還攻

王鎔于鎮州入其城中取其馬牛萬計遷宋州刺史復

從諸將攻幽州存敬取其瀛莫祁景四州梁攻定州與

王處直戰懷德驛大敗之枕尸十餘里

五代史佐霍存董大軍收宿州

以功奏加檢校兵部尚書太祖東征徐兗存敬屢有俘斬之功凡受指顧皆與機會矢石所及必以身先太祖尤加優異以爲行營都指揮使檢校右僕射乾寧三年充武寧軍畱後行潁州刺史光化二年夏四月幽滄侵

凌魏郡復以存敬爲都指揮使三年大舉與葛從周連
統諸軍攻浮陽樹數十柵圍劉守文累月時幽州劉仁
恭舉兵來援存敬潛軍擊之于乾寧軍南老鴉隄是日
燕人大敗斬首五萬級生擒馬愼交已下一百餘人獲
馬萬蹄其年秋九月引軍攻鎮州存敬勒衆涉滹沱河
師人鼓行而進逢鎮之遊兵數千因逐之直入鎮之甕
門收鞍馬牛馳萬計翌日鎮人納質而旋尋爲宋州刺
史踰年甚有能政復擁衆伐薊門數旬間連下瀛莫祁
景四州擒俘不可勝紀自懷德驛與中梁已下鎮定乃
山兵接戰枕屍數十里中山開壁請降
遣存敬攻王珂于河中存敬出含山下晉絳二州珂降
于梁太祖表存敬護國軍畱後復徙宋州刺史未至卒
于河中贈太傅五代史天復元年春太祖以河中節度使王珂與太原結親憑特驕恣命存敬
統大軍討之卽日收絳州擒刺史陶建釗降晉州刺史
張漢瑜二郡平進圍河中王珂請降太祖嘉之乃以存
敬爲護國軍畱後未幾檢校司空尋移宋州刺史將之
任所寢疾踰旬卒于河中太祖聞之痛惜移晷開平初

追贈太保乾化三年又追贈太傅存敬子仁穎仁愿有孝行存敬卒事

其兄仁穎出必告反必面如事父之禮仁愿曉法令事

梁唐晉常為大理卿卒贈秘書監五代史子仁愿晉天

張仁愿字善政開封陳畱人也祖晟唐右武衛大將軍

父存敬梁河中節度觀察畱後累贈中書令梁書有傳

仁愿梁貞明初以勲臣之子起家為衛尉寺主簿改著

作佐郎左贊善大夫賜緋魚袋唐同光初遷大理正天

成元年自將作少監轉大理少卿長興中厯昭武歸德

兩鎮節度判官四年復入為大理少卿清泰中除殿中

監天福五年拜大理卿八年轉光祿卿仁愿性溫雅明

法書累居詳刑之地議獄疑獄號為稱職兄仁穎梁朝

仕至諸衛將軍中年以風恙廢于家凡十餘年仁愿事

之出告反面如嚴父焉士大夫推為孝友仁穎善理家

勤而且約婦女衣不曳地什物多厯年所如新市焉仁

愿開運元年再為大理卿時隰州刺史王澈犯贓朝廷

以澈功臣之後欲宥之仁愿累執奏不移竟遣伏法

議者賞之開運二年以疾卒年五十一贈秘書監

符道昭蔡州人也爲秦宗權騎將宗權敗道昭流落無

所依

五代史符道昭淮西人性強敏有武畧秦宗權用爲心膂使監督諸軍後爲騎將尤能布陣勇聞于

時然剛而無操善迎人意一見若盡肺腑必甚愛其才而道昭之心腹屬矣秦宗權之將敗也有薛潛者支擘

隊伍道昭謂所私曰蔡弱矣乃後依鳳翔李茂貞茂貞歸潛潛欲敗復奔洋州依葛佐

愛之養以爲子名繼遠梁攻茂貞道昭與梁兵戰屢敗

乃歸梁太祖表道昭秦州節度使以亂不果行太祖爲

元帥初開府而李周彝以鄜州降以爲左司馬擇右司

馬難其人及得道昭乃授之

五代史佐攻興元軍不利復奔于岐宋文通愛之養

爲己子名繼遠遂易其宗及得軍職悉超儕伍後爲巴州刺史又奏爲隴州防禦使兼中軍都指揮使太祖迎奉昭宗駐軍于岐下道昭頻領騎士敢鬥戰屢爲王師所敗遂來降太祖素聞其名待之甚厚昭宗反正奏授

秦州節度使同平章事遣兵援送不克而還先是李周
葵棄鄜州自投歸國署爲元帥府行軍左司馬寵冠霸
府及道昭至以爲右司馬使與周葵同領
寇彥卿南大豐閭賈已下大軍伐滄州 羅紹威將誅

其牙兵惡魏兵彊未敢發求梁爲助太祖乃悉發魏兵
使攻燕而遣馬嗣勲助紹威誅牙兵牙兵已誅魏兵在

外者聞之皆亂魏將左行遷據厯亭史仁遇據高唐以

叛道昭等從太祖悉破之五代史及太祖幸魏州討牙軍中軍前有魏博將山河營

指揮使左行遷聞府中有變引軍還屯厯亭自稱畱後從亂者數萬人道昭佐周葵與彥卿已下大破之殺四萬餘人擒左行遷斬之有史仁遇亦聚徒數萬據高唐又破之擒仁遇以獻乘勝取瀘博二州平之復殺萬餘

人道昭爲將勇于犯敵而少成算每戰先發多敗而周
葵等繼之乃勝開平元年與康懷英等攻潞州築夾城

為蚰蜒塹以圍之逾年不能下晉兵攻破夾城道昭戰

死五代史道昭性勇果多率先犯陣屢有摧失而周彛

昭為首太祖陰知之俱不議賞及滄州之圍也不用騎

士令道昭牧馬于唐陽太祖受禪後委兵柄與康懷英

等攻潞州以蚰蜒塹之飛鳥不度既踰

歲晉人援至王師大敗道昭為晉軍所殺

劉捍開封人也為人明敏有威儀善擯贊太祖初鎮宣

武以為客將五代史劉捍開封人父行仙宣武軍大將

副典使從朱珍募兵淄青五代史唐中和四年夏太祖

于淄青間命捍監其兵路逢大敵皆破之入博昌獲精

兵三萬以歸四月合大軍敗蔡賊秦宗賢數萬衆于汴

西太祖北攻鎮州與王鎔和遣捍見鎔鎔軍未知梁意

方嚴兵捍馳一騎入城中諭鎔以太祖意鎔乃聽命梁

兵攻定州降王處直捍復以一騎入慰城中

五代史文德元年十

一月蔡將申叢折宗權足納欵于太祖使捍奏其事加

兼御史大夫先化三年六月太祖北伐鎮定至常山而

王鎔危懾送欵于太祖命捍入壁門傳諭時兩軍未整

守門者戈戟千匝捍馳騎而入竟達其命又移師以攻

中山至懷德驛大破定人五萬衆王太祖圍鳳翔遣捍

處直乞降捍復單馬入州安撫而迴

入見李茂貞計事唐昭宗召見問梁軍中事稱旨賜以

錦袍拜登州刺史賜號迎鑾毅勇功臣

五代史太祖迎昭宗于岐下以

捍爲親軍指揮天復三年正月宋文通令客將郭敬奇

使于太祖命捍復命昭宗聞其至卽召見詢東兵之事

仍以錦服銀鞍勒馬賜之翼日授光祿大夫檢校司空

登州刺史昭宗還京改常州刺史賜號迎鑾毅勇功臣

梁兵攻淮南遣捍先之淮口築馬頭下浮橋以渡梁兵

太祖出光山攻壽州又使捍作浮橋于淮北以渡歸師

拜宋州刺史太祖卽位遷左天武指揮使元從親軍都
虞候左龍虎統軍出爲佑國軍畱後同州劉知俊反以
賂誘捍將吏執捍而去知俊械之送于李茂貞見殺太
祖哀之贈捍太傅五代史四月太祖伐王師範于青州改左右長直都指揮使天祐三年正月授宋州刺史四月加檢校司徒太祖受禪授左龍虎
統軍兼元從親軍馬步都虞候及上黨纏兵太祖親往
巡撫以捍爲御營使大軍次昂車斥候來告蕃戎逼澤
州命捍以兵千人赴之并軍遂通車駕還京授捍侍衛
親軍都指揮使晉人侵晉州從幸陝迴加檢校太保及
從駕幸河中詔追王重師赴行在以捍爲雍州節度觀
察畱後纔踰月劉知俊據同州反潛使人以厚利陷捍
將校遂爲部下所執送于知俊知俊繫捍歸于鳳翔爲
李茂貞所害開平四年贈太傅末帝卽位又贈太尉捍
便習賓贊善于將迎自司賓局及征討四出必預其間
雖無決戰爭鋒之績而承命奔走
敷揚命令勤幹涖職以至崇顯焉

寇彥卿字俊臣開封人也世事宣武軍爲牙將五代史寇彥卿

字俊臣大梁人也祖瑄父裔皆宣武軍牙校太祖初就鎮以爲通引官累遷

右長直都指揮使領洛州刺史五代史太祖鎮汴以彥卿將家子擢在左右弱

冠選爲通贊官太祖爲元帥補元帥府押牙充四鎮通贊官行首兼右長直都指揮使累奏授檢校司徒領洛

州刺史羅紹威將誅牙軍太祖遣彥卿之魏計事彥卿陰

爲紹威計畫乃悉誅牙軍五代史羅紹威將誅牙軍遣使告于太祖太祖命彥卿使

于魏密與紹威謀之竟成其事彥卿之力也彥卿身長八尺隆準方面語音

如鐘工騎射好書史善伺太祖意動作皆如旨太祖嘗

曰敬翔劉捍寇彥卿皆天爲我生之其愛之如此賜以

所乘愛馬一丈烏太祖圍鳳翔以彥卿爲都排陣使彥

卿乘鳥馳突陣前太祖目之曰真神將也初太祖與崔允謀欲遷都洛陽而昭宗不許其後昭宗奔于鳳翔太祖以兵圍之昭宗既出明年太祖以兵至河中遣彥卿奉表迫請遷都彥卿因悉驅徙長安居人以東人皆拆屋爲椳浮渭而下道路號哭仰天大罵曰國賊崔允朱溫使我至此昭宗亦顧瞻陵廟彷徨不忍去謂其左右爲俚語云紇干山頭凍死雀何不飛去生處樂相與泣下沾襟能改齋漫錄五代史寇彥卿傳朱全忠迫遷昭宗于洛陽昭宗顧瞻陵廟彷徨不忍去謂其左右爲俚語云紇干山頭凍死雀何不飛去生處樂相與泣下沾襟余以干字非是蓋鄆元水經注曰紇直山終夏積雪鳥雀凍死者一昭宗行至華州遣人告太祖以日干數故紇干爲無據

何皇后有娠願畱華州待冬而行太祖大怒顧彥卿曰

汝往趣官家來不可一日畱也彥卿復馳至華卽日迫

昭宗上道五代史彥卿身長八尺隆準方面語音如鐘善騎射好書史復善伺太祖之旨凡所作爲

動皆云合太祖每言曰敬翔劉捍寇彥卿蓋爲我而生

其見重如此太祖有所乘鳥馬號一丈鳥嘗以賜彥卿

天復中太祖迎昭宗于鳳翔累與岐軍對陣時彥卿爲

諸道馬步軍都排陣使嘗躬擐甲胄乘其所賜鳥馬馳

騁于陣前太祖目之曰眞神王也昭宗還京賜太祖卽

迎鑾毅勇功臣改邢州刺史尋遷亳州團練使太祖卽

位拜彥卿感化軍節度使歲餘召爲左金吾衛大將軍

充金吾街仗使彥卿晨朝至天津橋民梁現不避道前

驅猝現投橋上石欄以死彥卿見太祖自首太祖惜之

詔彥卿以錢償現家以贖罪御史司憲崔沂劾奏彥卿

請論如法

五代史崔沂大中時宰相魏公鉉之幼子也

請

論

如

法

兄

沆

廣

明

初

亦

為

宰

輔

沂

舉

進

士

第

歷

監

察

也

請

論

如

法

兄

沆

廣

明

初

亦

為

宰

輔

沂

舉

進

士

第

歷

監

察

也

請

論

如

法

兄

沆

廣

明

初

亦

為

宰

輔

沂

舉

進

士

第

歷

監

察

也

請

論

如

法

兄

沆

廣

明

初

亦

為

宰

輔

沂

舉

進

士

第

歷

監

察

也

請

論

如

法

兄

沆

廣

明

初

亦

為

宰

輔

沂

舉

進

士

第

歷

監

察

也

請

論

如

法

兄

沆

廣

明

初

亦

為

宰

輔

沂

舉

進

士

第

歷

監

察

也

請

論

如

法

兄

沆

廣

明

初

亦

為

宰

輔

沂

舉

進

士

第

歷

監

察

也

請

論

如

法

兄

沆

廣

明

初

亦

為

宰

輔

沂

舉

進

士

第

歷

監

察

也

請

論

如

法

兄

沆

廣

明

初

亦

為

宰

輔

沂

舉

進

士

第

歷

監

察

也

請

論

如

法

兄

沆

廣

明

初

亦

為

宰

輔

沂

舉

進

士

第

歷

監

察

也

請

論

如

法

兄

沆

廣

明

初

亦

為

宰

輔

沂

舉

進

士

第

歷

監

察

也

請

論

如

法

兄

沆

廣

明

初

亦

為

宰

輔

沂

舉

進

士

第

歷

監

察

也

請

論

如

法

兄

沆

廣

明

初

亦

為

宰

輔

沂

舉

進

士

第

歷

監

察

也

請

論

如

法

兄

沆

廣

明

初

亦

為

宰

輔

沂

舉

進

士

第

歷

監

察

也

請

論

如

法

兄

沆

廣

明

初

亦

為

宰

輔

沂

舉

進

士

第

歷

監

察

也

請

論

如

法

兄

沆

廣

明

初

亦

為

禮沂曰張公官位至重然尚帶府尹之名不知副留守
見尹之儀何如全義知之遽引見沂勞曰彼此有禮俱
老矣勿相勞煩莊宗興復唐室復用爲左丞判吏部尚
書銓選司坐累謫石州司馬明宗卽位召還復爲左丞
以衰疾告老授太子少保致仕卒于龍
門之別墅時年七十餘贈太子少傅
授彥卿左衛中郎將五代史太祖受禪爲華州節度使加檢校太保歲餘入爲左金吾衛
大將軍充街使一日過天津橋有老人誤衝其騶道者
排之落橋而斃爲御史所彈太祖不得已責授左衛中
郎復拜襄州防禦使遷河陽節度使五代史不數月除相州防禦使依前
行營諸軍排陣使未幾授
河陽節度使加檢校太傅
事之如生嘗對客語先朝必涕泗交下五代史及太祖遇弒彥卿追感
舊恩圖御容以奠之每因對客
言及先朝舊事卽涕泗交流
末帝卽位徙鎮威勝彥
卿明敏善事人而怙寵作威好誅殺多猜忌卒于鎮年

五十七五代史末帝嗣位遙傾興元節度使東南而行營都招討使以拒淮寇尋改右金吾衛上將軍
貞明初授鄧州節度使會淮人圍安陸彦卿奉詔領兵
解圍大破淮賊而迴四年卒于鎮時年五十七詔贈侍
中彦卿貞幹明敏善事人主然怙寵作威多
忌好殺雖顯立功名而猶為識者之所鄙焉

